

無盡意菩薩經卷第一

宋涼州沙門智嚴共寶雲譯

奈集經中無盡意菩薩所說可盡義第三
如是我聞一時佛遊王舍城如來行
處實莊嚴堂是大功德之所修成佛
一切法本行果報包容無量諸菩薩
眾其所講宣悉是無量甚深之義皆
是如來神力護持入無閤行微妙智
門其心歡喜得念進意分別智慧无
輕毀者若有稱讚歎其功德盡未來
世不可窮盡如來正覺覺平等法善
轉法輪度無量眾於一切法而得自
在知眾生意盡其根原善為眾生斷
諸習氣隨為佛事心無所作與大比
丘六百万人悉是如來法王之子善
得解脫斷煩惱習曉了甚深無生法
忍成就威儀其行端嚴堪受供養為
眾福田善持諸佛所說教誡復有菩
薩摩訶薩眾其數無量不可稱計不
可思議不可宣說是諸菩薩於一念
頃能過無量無邊佛刹已曾供養過
去諸佛諮受妙法無有厭足常勤教
化無量眾生善解方便智慧具足其
心安住無尋解脫善除憶想取相戲

論近一切智悉是補處

其名曰電天菩薩勝諍菩薩日藏菩
薩勇健菩薩離惡意菩薩遊行菩薩
觀眼菩薩離闇菩薩如是等無量菩
薩大士德皆如是今時世尊入諸菩
薩所行無尋諸法門經所謂莊嚴諸
菩薩道甚深佛法十力無畏智慧成
就獲得自在持持教門分別諸辯大
神通門轉不退轉無生法輪通達諸
法同於一相於一相法不生分別知
諸眾生根性無尋善能觀察諸法實
相破壞一切諸魔境界入於通達善
思惟門能除一切煩惱諸見無尋智
慧善摧方便一切佛法平等无二受持
諸佛智慧之門演說諸法如真實相憶
相取相入平等門成如功德入深因
緣莊嚴佛身身口意業念念進持顯
了四諦分別妙慧化聲聞故身心寂
靜化緣覺故得一切智化大乘故入一
切法得自在智讚歎如來諸功德故
如是等門宣說開示教導分別
時佛說是大集經時於此東方自然
出現大金色光照此三千大千世界

靡不同遍除佛光明其中所有日月
釋梵護世天王諸龍鬼神乳閻婆阿
修羅迦樓羅緊那羅摩睺羅伽所有
光明悉不復現諸牆壁等樹木叢林
小山大山目真隣陀山鐵圍山大鐵
圍山及國土中間其光徹照若此世
界所有地獄皆蒙其光其中眾生光
觸身時除一切苦受微妙樂

尔時佛前大眾之中其地自然生六
十億淨妙蓮華好香流布種種莊嚴
諸華雜色悅可眾心其華各有億百
千葉以寶羅網弥覆其上華質柔軟猶
如天衣其有觸者受妙快樂是一華
所出諸香遍滿三千大千世界是世
界中若天若人所有諸香悉滅不熏
諸龍八部聞其香者皆得妙喜暫離
煩惱尔時尊者阿難見是金色光明
及諸蓮華白佛言世尊今此瑞應誰
之所為有是光明及諸蓮華佛告阿
難有菩薩摩訶薩名無盡意在此東
方與六十億諸菩薩俱眷屬圍遶欲
求三故先現瑞應未久之間時無盡
意即以神力感動此地令大震動放

無量光雨種種華億那由他諸天人
等作百千伎樂與六十億諸菩薩眾
周匝圍繞來至佛所至佛所已尋於
佛前住虛空中高七多羅樹合掌向
佛出微妙音其聲遍聞六千世界即
以偈頌而讚歎佛

清淨永離垢勇健除諸欲能滅諸塵勞
而得淨妙眼三垢荒穢等善斷吐洗滅
一切皆無餘稽首大慈覺除去諸怖畏
善滅無明網十力聖主王邪論不能伏
外道異見人皆悉懷怖畏猶如師子王
獨步無所懼正覺淨光明無垢普照曜
天人世間中能離一切闇除盡諸闇冥
無有無明網其光常明淨如日出雲霧
眾生之受苦無有救護者為調是等故
而示無量善能生堅慈悲唯有等正覺
猶如大醫王勤行療眾疾一切諸法本
其性無有我譬如山谷響皆從眾緣生
眾生本無性無作无受者而能為此故
生於大慈悲諸有之洲海無明闇甚深
其中有覺觀勇猛而波浪不從他聞法
自然到彼岸如蓮華在水行世不染汙
秋月草木零感熱河池竭比智知世法

運動不常住愚人所親近聖智所呵棄
解法不牢固獨拔疲有流其面目開明
譬如優鉢羅微妙甚清淨過百千日月
所有過去世及現在眾生一切所讚歎
如來悉堪受調不調伏故除熱得清涼
是故我今日稽首無上尊度世增上福
功德無有極如人中牛王頂禮佛福田
余時無盡意菩薩以如實讚歎歎佛
已從空中下及六十億諸菩薩眾頂
禮佛足禮佛足已右遶三匝於華臺
上結加趺坐余時舍利弗白佛言世
尊是無盡意菩薩摩訶薩從何處來
佛号何等世界何名去此近遠佛告
舍利弗舍利弗汝可自問無盡意當
為汝說時舍利弗敬順佛教問無盡
意惟善男子從何處來佛号何等世
界何名去此近遠無盡意言唯舍利
弗有來想耶舍利弗言唯善男子我
知想已無盡意言若知想者應無二
相何緣問言從何處來唯舍利弗有
來去者為和合義如和合相是無合
不合無合不合即不去不來不去不
來者是聖行處唯舍利弗有去來者

即是業相如業相無作無非作無作
無非作即不去不來不去不來者是
聖行處唯舍利弗有來去者是國土
相如國土相無國土無非國土無國
土無非國土即不去不來不去不來
者是聖行處唯舍利弗有去來者即
是緣想如緣想無緣非緣無緣非緣
即不去不來不去不來者是聖行處
唯舍利弗有去來者即因等生相如
因相無因無非因無因無非因即不
去不來不去不來者是聖行處唯舍
利弗有去來者即是文字語言如文
字相無文字無非文字無文字無非
文字即不去不來不去不來者是聖
行處舍利弗言唯善男子汝今所說
微妙事相吾從昔來所未曾問向之
所疑當還啓請如主關人若見空行
若見擔者即應詰問汝所貴持恙是
何物若知種種應收其稷唯善男子
我等如是從他聞法隨音聲解以自
照心是故我今應當諮稟汝等六士
為護大乘出生無量聲聞緣覺唯善
男子願為分別說其來處元盡意言

唯善舍利弗汝今自可詰請如來如來當說斷汝疑網時舍利弗即白佛言唯願世尊說是菩薩從何處來佛号何等世界何名去是近遠若聞彼佛及世界名則令無量无边菩薩莊嚴善提佛告舍利弗諦聽諦聽善思念之吾今當說彼土功德及佛名号汝聞是時勿懷疑懼應當一心信受奉持時舍利弗聞是語已讚言善哉善哉世尊願時宣說我當一心頂戴受持佛告舍利弗東方去此度十恒沙國土微塵等世界彼有世界名曰不眇是有佛号曰普賢如來應正遍知明行足善逝世間解無上士調御丈夫天人師佛世尊今現在舍利弗其土無有聲聞緣覺乃至不聞二乘之聲一切聖衆終是菩薩已於過去久修德本善業成備布施調伏自守防護戒忍多聞心不放逸安住功德威儀成就忍力無尋於無上道堅固精進所修善根一切成就諸禪解脫三摩婆提遊戲神通大智照明善分別知一切諸法所懷慈心等如虛空大悲

堅固極濟衆生常行喜心令彼同歡所有捨心善滅憎愛魔網諍訟悉使無餘善解衆生諸根所趣隨其根量授與法財其心平等如地水火風能壞一切外道異論摧伏敵陣建立勝幢入深佛法十力無畏於諸大衆心無所懼常觀甚深十二因緣離有無見行於中道我及我所衆生壽命養育士夫作者受者斷常有無一切諸見結縛因緣皆滅不起搖持王后而以印之所有辭辯分別敷演都由他劫說不可盡得大神力感動無量无边佛土於諸佛土善能往來斷除瞋怖憍慢放逸其所演說如師子吼一切衆生怨親中人悉皆安止究竟涅槃勝法雲垂布以興雷震三明解脫以為電光無上法雨以為甘露能注法財三寶不斷內外清淨譬如寶珠相好殊勝寂上無比以諸善根環瑤其身佛法灌頂得補處位善能分別諸衆生行隨而調伏令得解脫能淨道場坐師子座於諸法中得無所畏能自變形猶如佛身一切佛事悉能示現心得自在

轉於法輪舍利弗彼土終有如是菩薩摩訶薩等以為眷屬余時大會聞佛稱讚彼菩薩衆功德智慧踊躍歡喜以天優鉢羅華拘物頭華波頭摩華分陀利華曼陀羅華散無盡意及諸菩薩異口同音作如是言我等今日悅得善利得見如是諸正士等禮拜供養恭敬圍遶若有衆生聞其名者亦得如是無量善利若聞讚歎稱其功德悉皆當發無上道心說是語時大會有三百六十萬衆生發阿耨多羅三藐三菩提心佛告舍利弗彼佛世界無三惡道及其名字亦無邪行越戒之名又無女人慳貪嫉妬破戒瞋恚懈怠亂心愚癡之名及以障尋蔭蓋集名衆生根等無上中下統是一乘無大小名佛土無有淨穢之名無三寶差別之稱不聞飢渴飲食之聲及我我所遮護之名無諸魔網妄見集名彼佛世界平坦廣大一日月照周而六十億百千都由他由延是希有事是彼菩薩本願所致其土平正猶如手掌瑤瑤衆寶雜廁共成

其地柔軟猶如天衣若有觸者受微妙樂寶樹莊嚴行伍相當寶繩連綿以界八道所布諸華常自開敷亦無石沙荆棘惡所有諸山純以眾寶而校成之人天無別法喜禪味以為飲食其土無有王者之名唯除普賢如來法王彼佛世尊及諸菩薩不以文字而有所說彼諸菩薩唯修觀佛諦觀無厭目未曾瞬即便能得念佛三昧悟無生忍是故彼土名曰不眴云何念佛謂不觀色相出生種性過去淨業是時心中不生自高不觀現在陰界諸入見聞覺知心意識等無有戲論生住滅想不取不捨不念不思不觀思想及非思想不分別想法想已想無一異想境界功德內外中間不起覺觀始終之念不觀形貌威儀法式不觀戒定智慧解脫解脫知見十力無畏不共之法正念佛者不可思議不造行不作想無等等離思惟無所念無思慮無陰入界生住滅想無有處所非無處所非動非住非色非識非想非受非行於諸不生識

知於地水火風不生識知眼色耳聲鼻香舌味身觸心法亦復如是如是不緣一切境界不生諸相我及我所不起見聞覺知之想究竟能到一切解脫心心數法滅不相續淨諸憶想非憶想等善除愛患滅因緣想此彼中間志斷無餘是法清淨無文字故法無數喜不動轉故法无有苦不味者故法无焦熱本寂滅故法無解脫捨離故法無有形離色相故法無受相無有我故法無結縛寂無相故法相無為無所作故法無言教無識知故法無始終無取捨故法無安止無憂所故法無有作離受者故法無有滅本無生故心數思惟所緣住法不取其相不生分別不受不著不然不滅不生不出法性平等猶如虛空過於眼色耳聲鼻香舌味身觸心法是名菩薩念佛三昧菩薩得是念佛三昧一切法中得自在智陀羅尼門聞佛所說悉能受持終不忘失亦得曉了一切眾生言辭音聲無尋辯才不缺甚善舍利弗彼普賢如來不如此上以二因緣演說正見所謂從

他聞聲內正憶念彼諸菩薩當見佛時尋能分別諸深妙義具足成就六波羅蜜何以故若不取色相即是具足檀波羅蜜若除色相即是具足尸波羅蜜若觀色盡即是具足羼提波羅蜜若見色寂滅即是具足毗梨耶波羅蜜若不行色相即是具足禪波羅蜜若不戲論色相即是具足般若波羅蜜是諸菩薩即觀佛時尋具如是六波羅蜜得無生忍舍利弗諸佛世界嚴淨微妙少有如彼普賢如來不眴世界時舍利弗語無盡意唯善男子使哉仁者汝等大士得在彼土見普賢佛獲無量利時無盡意語舍利弗大德今者頗欲得見不眴世界普賢世尊及大眾不舍利弗言唯然欲見今此大眾增長善根時無盡意即入菩薩示現一切佛土三昧入三昧已令此大眾及舍利弗尋見彼土普賢如來及其大會見是事已即從坐起合掌遍禮彼佛大眾此會大眾以佛世尊及無盡意神通道力得微妙華世所希有其華色香未曾見聞

自然滿拘遏散東方以用供養普賢如來華尋迨至彼佛世界普賢如來及其大會彼諸菩薩見是華已自佛言世尊是華嚴麗世所希有為從何處而來至此彼佛答言是無盡意在娑婆世界是中亦有十方世界諸來菩薩而共聚集能仁佛所供養恭敬尊重讚歎聽共世尊說大集經是其大衆所散之華彼諸菩薩復自佛言世尊其佛世界在何方面去是遠近彼佛答言諸善男子在此西方去是佛土十恒河沙世界微塵等國有世界名曰娑婆諸菩薩言願樂欲見釋迦文佛及其大衆

余時普賢如來尋放火光其明徹照此佛世界彼諸大衆因佛光明悉得遙見娑婆世界釋迦文佛及諸大衆見已歡喜合掌恭敬作如是言希有世尊其土菩薩一切大衆從何所來而作此集遍滿其界間無空處彼佛答言諸善男子其諸大衆悉從十方無量世界而來集會諸菩薩受甚深妙法

時舍利弗問無盡意誰字仁者為無盡意無盡意言唯舍利弗一切諸法因緣果報名無盡意所以者何一切諸法不可盡故舍利弗言唯善男子願仁者當說無盡法門無盡意言唯舍利弗初發無上菩提心時已不可盡所以者何發菩提心不難煩惱故發心相續不希餘乘故發心堅固不參外論故發心不壞魔不沮故發心恒順善根增長故發心經常有為法無常故發心不動一切諸佛安慰護助故發心勝妙離衰損故發心安止不戲論故發心無喻無相似故發心金剛壞諸法故發心無盡無量功德悉成就故發心平等利衆生故發心普覆無別異故發心鮮明性常淨故發心無垢智慧明了故發心善解不離畢竟故發心廣快慈如虛空故發心廣大悲能容受諸衆生故發心無導智慧通達故發心遍至大悲不斷故發心不斷善解立願故發心為歸諸佛所讚故發心殊勝二乘宗仰故發心深遠一切衆生所不知故發心

不敗不破佛法故發心安隱善與衆生諸快樂故發心莊嚴一切功德悉成就故發心善察智慧成就故發心增長隨意施與故發心如願戒清淨故發菩提心普及慈親具忍辱故發心難壞具精進故發心寂滅具禪定故發心無毀具智慧故發心無願增長大慈故發菩提心住根堅牢增長大悲故發心和悅增長大喜故發心不動增長大捨故發心任重諸佛所受故發心不絕三寶不斷故唯舍利弗菩薩如是為一切智發菩提心豈可盡耶舍利弗言唯善男子譬如虛空不可窮盡為一切智發菩提心不可得盡亦復如是無盡意言唯舍利弗佛戒無盡因戒發心故不可盡佛定無盡因定發心故不可盡佛慧無盡因慧發心故不可盡佛解脫無盡因解脫發心故不可盡佛解脫知見無盡因解脫知見發心故不可盡唯舍利弗如來戒定智慧解脫解脫知見其性無盡因是五衆發菩提心豈可盡耶如來十力四無所畏十八不

共法無盡無盡意菩薩經第一卷 第十六條因如是等發菩提心是故
無盡唯舍利弗舉要言之一切如來
悉皆無盡因是發心故不可盡三寶
不斷故無有盡衆生性無盡故無盡
如實知無盡故無盡隨諸衆生无量
心行智無盡故無盡迴向無上無盡
故無盡教化衆生無盡故無盡無盡
智無生故無盡離性無生故無盡知
一切法本性無盡故無盡唯舍利弗
是名菩薩發菩提心不可盡也復次
舍利弗是菩薩心清淨無盡心清淨者
不作誑故不作誑者無好詐故無好詐
者善分別故善分別者無邪命故無
邪命者心清白故心清白者常正一
故常正一者性殊勝故性殊勝者無
輕毀故無輕毀者滅諸曲故滅諸曲
者心質直故心質直者入平正故入
平正者心堅實故心堅實者不可壞
故不可壞者性牢固故性牢固者不
可動故不可動者無所依故无所依
者除我心故除我心者無伴等故無
伴等者息世毀故息世毀者作善業
故作善業者無呵嘖故無呵嘖者消

過失故消過失者不熱惱故不熱惱
者性真實故性真實者無虛誑故无
虛誑者如說行故如說行者能善作
故能善作者無瑕與故無瑕與者不
錯謬故不錯謬者无所滯故無所滯
者不退轉故不退轉者觀衆生故觀
衆生者大悲根深故大悲根深者善
化衆生不疲倦故善化衆生不疲倦
者不求已樂故不求已樂者不貪利
養故不貪利養者不染愛故不染愛
者緣諸法故緣諸法者觀羸劣故觀
羸劣者見衆生故見衆生者常擁護
故常擁護者為歸依故為歸依者无
垢累故無垢累者善觀察故善觀察
者無譏論故无譏論者心終善故心
終善者不動搖故不動搖者善清淨
故善清淨者常精進故常精進者內
清淨故內清淨者常解脫故常解脫
者無垢染故唯舍利弗其淨心者能
斷慳惜亦化他人令斷慳惜其淨心
者能斷破戒亦化他人令斷破戒其
淨心者能斷瞋恚亦化他人令斷瞋
恚其淨心者能斷懈怠亦化他人令

斷懈怠其淨心者能斷亂心亦化他
人令斷亂心其淨心者能斷愚癡亦
化他人令斷愚癡舍利弗淨心如是
能斷一切諸不善法安諸衆生於善
法中是故名曰菩薩淨心不可得盡
復次舍利弗菩薩摩訶薩心行清淨
亦不可盡何以故菩薩行施時一切
皆見捨諸所有菩薩行戒亦不可盡
一切皆見持諸禁戒頭陀正行威儀
無犯菩薩行忍亦不可盡一切皆見
於諸衆生心無恚尋菩薩行進亦不
可盡一切皆見於諸善法精勤修集
菩薩行禪亦不可盡一切皆見於諸
禪定無有錯亂菩薩行慧亦不可盡
一切皆見修習多聞是名菩薩行施
行戒行忍行進行禪行慧菩薩修行
慈悲喜捨亦不可盡一切皆見利益
拔苦歡喜踴躍善斷愛恚是名菩薩
慈悲喜捨菩薩所行三業清淨離身
三惡及口四過心離三惡所謂貪欲
瞋恚邪見菩薩修學多聞無盡不悞
惜故菩薩修行無悞惜者集一切智
故菩薩修集一切智者勸餘菩薩發

道心故勸修菩薩發道心者修行安止於善根故修行安止於善根者願向無上菩提道故願於無上菩提道者攝取一切諸佛法故攝取一切諸佛法者四事攝取故善薩修行四事攝者懺悔諸罪故善薩修行悔過法者發露諸惡故善薩修行發露諸惡者迴向一切諸功德故善薩迴向諸功德者積聚無量諸珍寶故積聚無量諸珍寶者勸請諸佛故勸請諸佛者攝取諸法故攝取諸法者行大士法故行大士法者能為眾生作重任故為諸眾生作重任者不捨堅牢諸莊嚴故不捨堅牢諸莊嚴者成就眾生一切善事故

復次舍利弗善薩摩訶薩有四行無盡何等為四善薩心行無盡法施無盡教化無盡善根無盡是為善薩四行無盡善薩復有四行無盡何等為四樂在空閑攝持威儀無有厭足常樂聚集無量功德而無厭足多求學問廣知諸義而無厭足常願無上菩提智慧而無厭足是名善薩四行無

盡善薩復有四行無盡何等為四覺按計無盡覺稱量無盡覺思惟無盡覺觀法無盡是為善薩四行無盡善薩復有四行無盡何等為四覺垢因無盡覺白法無盡呵諸煩惱無盡讚歎白法無盡是名為善薩四行無盡善薩復有四行無盡何等為四觀諸陰無盡無盡觀諸界盡無盡觀諸入盡無盡觀因緣盡無盡是名善薩四行無盡善薩復有四行無盡何等為四說無常行無盡說苦行無盡說無我行無盡說寂滅涅槃無盡是名善薩四行無盡善薩要言之善薩所行一切無盡向一切智尊一切智仰一切智一切智無盡以是因緣善薩所行志皆充盡是名善薩心行無盡

復次舍利弗是善薩心畢竟無盡何以故其所思惟乃至一念常緣善提而不疲倦專趣諸地過生死故畢竟增長到彼岸故畢竟本行轉勝增上故畢竟離自攝勝法故畢竟無等具足一切諸佛法故畢竟所緣增長善法故畢竟能到過心行處故畢竟莊

嚴無疲厭故畢竟修行吉祥菩提種種苦行悉成就故畢竟不墜不求已樂故畢竟隨順無諸惡故畢竟調伏住聖法故畢竟不雜離煩惱故畢竟難施不憚頭目故畢竟難戒擁護犯禁故畢竟難忍忍無力勢諸過惡故畢竟難進專修苦行捨二乘故畢竟難定心不味著諸禪定故畢竟難慧不著一切諸善根故發行能到一切善事悉成就故畢竟速離慢慢增上慢勝慢我慢下慢憍慢邪慢善分別故畢竟能捨施諸眾生不求報故畢竟不驚觀深佛法故畢竟增進不停滯故畢竟無盡常精進故畢竟不誑必為眾生作重擔故又畢竟者調柔眾生慈覆利益諸賢善人悲心救拔諸行惡者恭敬尊長護無護者歸無歸者照無照者依無依者伴無伴者直諫曲者善不善者無奸奸者淨邪命者愚於愚者及無忌者不知恩者利不利者實虛誇者不憍憍者不毀作者要語教訶諸作惡者護邪行者見行方便不以為過於諸受者等心恭

敬於餘菩薩常行誘導以柔受語而

無盡意菩薩經卷第二

第二

罪

演教誨樂在空處修持善法雖諸利
養不惜身命無有邪念心寂滅故言
无邪諂攝口過故不以邪業而求利
益其心少欲常知足故心調柔和无
垢穢故迴在生死具善根故能忍諸
苦為衆生故是為大士一切畢竟而
不可盡是等菩薩心生死煩惱永不
能壞何以故是心增長諸功德故含
受一切諸衆生故成就無盡妙智慧
故大德是名菩薩摩訶薩畢竟元盡
無盡意菩薩經卷第一

已亥歲高麗國大藏都監奉
勅彫造

無盡意菩薩經卷第二

罪

宋涼州沙門智嚴共實雲譯

尔時舍利弗白無盡意菩薩摩訶薩
言唯善男子頗復更有無盡法不无
盡意言有菩薩修行檀那波羅密不
可窮盡何以故菩薩摩訶薩行施無
量所謂須臾與食具足令辦色力樂
故須臾飲與離渴愛故須臾衣與衣具
清淨色除無慚愧故須臾乘與乘得一切
樂具神通故須臾燈與燈具足佛眼清
淨故須臾音樂者施與音樂具足天耳
清徹故須臾香與香身出具足微妙香
故須臾與具足陀羅尼七覺華故須
塗香末香悉施與之具戒定慧薰塗
身故須臾種種味隨意與之味相成就
故無依止者施與依止能為衆生具
足救護為歸依故須臾具者悉施與
之具足究竟斷除陰蓋成就梵天賢
聖諸佛妙床座故須臾與座具足三千
大千世界以為道場金剛座處悉成
就故隨其所須悉能與之成就善提
諸所須故隨病施藥得无老死甘露

法藥悉成就故須僕使者皆給與之

無盡意菩薩經卷第二

罪

自在智惠得具足故若以金銀琉璃
頗梨真珠珂貝璧玉珊瑚種種諸珍
用惠施者具足大人三十二相故能
以種種瓔珞施者具足八十隨形好
故若以鳥馬車乘施者具足大乘故
若持園林以布施者具足禪支故若
持妻子以布施者具足无上道法愛
故若以倉庫穀財施者具足諸善法
寶藏故以閭浮提若四天下隨意施
者具足法王得自在故以諸樂具持
用施者具足无量法樂樂故若持脚
足以布施者法足具成進至道場故
若以手施具足法手安撫衆生令得
樂故若以耳鼻用施與者具足諸根
悉通利故若以眼目持用施者為欲
具足無尋法眼故若以頭施於三界
中具足殊勝一切智慧故若以血肉
持用施者諸不堅牢具堅牢故若以
髓腦持用施者具金剛身得不壞故
菩薩不以邪命求財而行布施不逼
衆生强求他物轉以施人无恐怖施
無著耻施无慳惜施如其所許无損

減施無不受施畢竟常施无不畢竟
施無諛諂施無對詐施不疑業報施
無邪命施无愚癡施無不信施無不
解施無疲難施无依著施無選擇施
無異相施不求受者施无有衆生不
堪受者持戒犯戒無增減施於受者
所不望報施不求名施不毀譽施無
慢非慢施無熱惱施不悔心施不自
讚施無雜穢施不望業報施无定處
施無有瞋怒垢愛等施有求乞者不
惱害施無輕易施不顧面施不撩擲
施无不故施無手不與施無不常施
無斷絕施无嫌慢施無齊限施如其
所許不貿易施無有堪任不堪任施
无非福田施不輕少施不讚多施無
衰耗施不求後生施不求自在得財
寶施不求釋梵護世天王轉輪聖王
諸果報施不願聲聞緣覺乘施不求
王子得自在施不為一世故施無臥
足施無不迴向一切智施无不淨施
無不時施无刀毒施無惱衆生施菩
薩行施不為智者之所輕笑何以故
觀空寂行施是故無盡无作所敷施

是故無盡出三有相施是故無盡不
取處施是故無盡為解脫果是施無
盡為伏衆魔是施無盡為斷結愛是
施無盡為增上施是故無盡善分別
施是故無盡助菩提施是故無盡正
迴向施是故無盡莊嚴道場解脫果
施是故無盡是施无邊是故無盡
是施無壞是故無盡是施不斷是故
無盡是施廣大是故無盡是施無任
是故無盡是施無伏是故无盡無等
等施是故无盡是施進趣一切種智
是故無盡唯舍利弗是名菩薩修行
布施而不可盡今時舍利弗語無盡
意言善哉善哉唯善男子仁已快說
菩薩摩訶薩修行檀波羅蜜而不可
盡唯願仁者當說菩薩尸波羅蜜如
菩薩所得无盡尸波羅蜜無盡意
言唯舍利弗菩薩戒衆六十七事清
淨修治亦不可盡何等六十七於諸
衆生不起惱害於他財物不生竊盜
於他婦女中不生邪視於諸衆生無
有欺詐初不兩舌於自眷屬知止足
故無有惡口惡戾穢故無有綺語常

善說故於他樂事不貪嫉故初無瞋
恚忍惡言故正見不邪賤餘道故深
信於佛心不濁故信順於法善得法
故信敬於僧尊重聖衆故五體投地
志念佛故五體投地忍性法故五體
投地宗敬僧故堅持禁戒一切無犯
乃至小禁不放捨故持不飲戒不依
餘乘故持不穿戒離惡處生故持不
荒戒不雜諸結故持不汙戒事長白
法故持是深戒隨意迴向得自在故
持讚歎戒智者不呵故持純善戒正
念知故持不呵戒一切戒不散故持
善堅戒防護諸根故持名聞戒諸佛
所念故持知足戒无不默故持少欲
戒斷貪惜故持性淨戒身心寂滅故
持阿蘭若戒離憒鬧故持聖種戒不
求他意故持威儀戒一切善根得自
在故持如說戒人無不歡喜故持慈
心戒護衆生故持悲心戒能忍諸苦
故持喜心戒不慳急故持捨心戒離
愛恚故持自省戒心善分別故持不
求短故戒護他心故持善攝戒善守
護故持慈施戒教化衆生故持忍辱

無量壽經卷第二

第六

戒

戒心无患尋故持精進戒不退還故持禪定戒長諸禪支故持智慧戒多聞善根無厭足故持多聞戒博學堅牢故持親近善知識戒助成菩提故持遠離惡知識戒捨遠離惡道故持不惜身戒觀無常想故持不惜命戒勤行善根故持不悔戒心清淨故持不邪命戒心行清淨故持不憊戒畢竟清淨故持不燒戒修善行業故持无憊戒心下不憊故持不掉戒遠離諸欲故持不高戒心平直故持柔和戒心無衝突故持調伏戒無惱害故持寂滅戒心无垢穢故持順語戒如說行故持化眾生戒不離攝法故持護正法戒不違如實故持如願成就戒於諸眾生心平等故持親近佛戒願求如來無上戒故持入佛三昧戒具足一切諸佛法故舍利弗是名菩薩六十七事淨持戒眾而不可盡又舍利弗菩薩无盡清淨戒中無有猗著所謂我人眾生壽命養育士夫色受想行識地水火風是淨戒中無眼色相耳聲鼻香香味身

無量壽經卷第二

第六

戒

觸意法等相亦無身心是戒定相一向不共故是戒分別相方便緣一切法故是戒空相得無相際不離三界故是戒不作無生忍故是淨戒中无有已作今作當作是清淨戒過去不滅未來不來現在不住又舍利弗是淨戒中心淨無垢識不止住思不親近是清淨戒不依欲界不近色界不住無色界是清淨戒捨離欲塵除瞋恚癡滅無明障是清淨戒不斷不逆因緣是清淨戒無有我相捨我所相不住身見是清淨戒不取假名不住色相不離名色是清淨戒不繫於因不起諸見不住疑悔是清淨戒不住貪瞋癡不善根是清淨戒不惱不熱寂滅離相是清淨戒不斷佛種求正法故不斷法種不分別法性故不斷僧種修无為故舍利弗持淨戒者相續不斷故不盡所以者何凡夫戒者在所受生是故有盡人中十善盡故有盡欲界諸天福報功德盡故有盡色界諸天禪無量心盡故有盡无色界天所入諸定盡故有盡外道仙人

無量壽經卷第二 第八

所有諸戒退失神通盡故有盡一切聲聞學無學戒入涅槃際盡故有盡辟支佛戒無大悲心盡故有盡舍利弗菩薩淨戒皆無有盡何以故於是戒中出一切戒如種無盡果亦无盡是菩提種不可盡故如來戒禁亦無有盡以是故諸大士等所持諸戒皆不可盡舍利弗是名菩薩修持淨戒而不可盡
今時舍利弗語無盡意言善哉善哉善男子仁已便說菩薩尸羅波羅蜜而不可盡唯願仁者當說菩薩尸羅波羅蜜如諸菩薩所作無盡尸羅提波羅蜜無盡意言唯舍利弗菩薩具三十二事修行忍辱亦不可盡何等三十二事斷諸結故當知是忍不生害故當知是忍無有經故當知是忍無有惱故當知是忍無覆蔽故當知是忍無有瞋故當知是忍無有忿諍故當知是忍無有閤訟故當知是忍於諸塵界心不異故當知是忍護自他故當知是忍順菩提心故當知是忍善思惟故當知是忍無二相故當知是

忍識業報故當知是忍在羣身故當知是忍口演淨言故當知是忍心清淨故當知是忍心堅牢故當知是忍言語自在故當知是忍不憶想故當知是忍善分別心故當知是忍護他心故當知是忍修梵世行故當知是忍受人天報故當知是忍身相勝故當知是忍具妙梵音故當知是忍除諸過患故當知是忍斷諸荒穢故當知是忍斷一切不善根故當知是忍熱諸結賊故當知是忍於惱害衆生得超越故當知是忍具足一切佛法故當知是忍舍利弗是名菩薩三十二事修行忍辱而不可盡舍利弗云何為忍若見罵者默受不報善知音聲如響相故見有誦責默而受之善知身相如影相故見有瞋者心不懷恨善知心法如幻相故忿不報忿心清淨故聞有稱名心不生愛不自高故聞不稱名心不生尋功德具足故若遇榮利不生喜悅善自調故若遇衰耗不生罣碍心寂滅故見有稱者心不驚動善知分別故見有毀

者心不縮沒其心廣大故見有譏者其心不下善安住故見有譽者其心不高不傾動故若遇樂事心不歡逸觀有為法無常相故若遇苦事心不疲惱為衆生故世法不滌不依止故忍受諸苦見危逼者以身代故忍節節支解具足覺支故衆苦加身悲能堪受具佛身相故忍他過惠善作業力故示現燒熱修諸苦行伏外道故現入諸道出過釋梵護世諸天故是名菩薩之忍辱也又畢竟忍若無有諍訟何以故若見他罵我能忍若如是忍者是觀二相非畢竟忍若言誰罵我者如是忍辱是法功德非畢竟忍若罵眼耶如是忍者是觀入相非畢竟忍耳鼻舌身若罵意耶如是忍者是觀諸入非畢竟忍若無罵者如是忍辱是觀無我非畢竟忍若知假名如是忍者是觀嚮相非畢竟忍彼之與我二俱無常如是忍者是觀無常非畢竟忍彼是顛倒我無顛倒如是忍者是觀高下非畢竟忍彼不勤行我是勤行如是忍者是觀勤懈非畢竟

竟忍彼住惡道我住善道如是忍者是觀善惡非畢竟忍我忍无常不忍有常我能忍苦不受諸樂我忍無我不忍有我我忍不淨不忍於淨如是忍者是觀有對非畢竟忍我忍於空不忍諸見我忍無相不忍諸覺我忍無願不忍於願我忍无作不忍於作我忍結盡不忍結在我忍於善不忍不善我忍出世不忍在世我忍無諍不忍於諍我忍無漏不忍於漏我忍白法不忍黑法我忍寂滅不忍生死如是忍者是觀相對非畢竟忍云何名為畢竟忍耶若入空寂不與諸見和合不荷着空是諸見等亦復皆空如是忍者是無二相是畢竟忍若入無相不與諸覺和合不荷无相是覺皆空如是忍者是無二相是畢竟忍若入無願不與願合不荷無願是願皆空如是忍者是無二相是畢竟忍若入無作不與作合不荷無作是作皆空如是忍者是無二相是畢竟忍若入盡結不與結合不荷盡結諸結皆空如是忍者是無二相是畢竟忍

無盡意菩薩經第二卷 第七段

若入於善不與不善和合不猗於善
不善皆空如是忍者是無二相是畢
竟忍若入出世不與世合不猗出世
在世皆空如是忍者是無二相是畢
竟忍若入無諍不與諍合不猗無諍
是諍皆空如是忍者是無二相是畢
竟忍若入無漏不與漏合不猗無漏
諸漏皆空如是忍者是無二相是畢
竟忍若入白法不與黑合不猗白法
黑法皆空如是忍者是無二相是畢
竟忍若入寂滅不與生死和合不猗
寂滅生死皆空如是忍者是無二相
是畢竟忍若性不自生不從他生不
和合生亦無有出不可破壞不可壞
者是不可盡如是忍者是畢竟忍無
作非作無所猗著无分別無莊嚴无
修治法无發進終不造生若無生者
是不可盡如是忍者是無生忍无生
忍者是不出忍不出忍者是畢竟忍
如是菩薩修行是忍得受記忍舍利
弗是名菩薩行忍無盡說是忍時一
切大眾讚無盡意言善男子善哉善
哉快說是言即雨種種希有諸華末

無盡意菩薩經第二卷 第七段

香塗香無數雜衣幢幡寶蓋以用供
養於無盡意百千伎樂於上空中自
然出聲作如是言若有衆生欲得如
來甚深忍忍聞作是說不應驚怖時
諸華香雜衣幢幡蓋普遍充溢滿此三
千大千世界

尔時佛告無盡意言善男子汝所供
養華香等物可自求器除去拈搗無
盡意言唯然世尊我今當以神通之
力即身為器時無盡意即入菩薩色
身三昧入三昧已一切所有供養之
具悉入膏中身界如故不增不减尔
時衆中有一菩薩名大莊嚴問無盡
意善男子所入三昧名為何等而仁
入已諸供養具悉入身中身界如故
而不增減無盡意言善男子其三昧
者名為一切色身三昧大莊嚴言是
三昧定願復更有餘力勢不無盡意
言是三昧力能令身界悉受三千大
千世界所有色相身界如故亦無增
減尔時衆中或有人天作是思惟寧
可得見是定力不尔時佛知一切大
衆人天所念告無盡意善男子汝可

無盡意菩薩經第二卷 第七段

示現是定神力時無盡意菩薩摩訶
薩於是三昧久已通達是故能以一
切大眾十方如來大菩薩等佛及聖
僧悉內身中尔時其身猶如大寶莊
嚴世界受諸菩薩摩訶薩等所有種
種莊嚴之事是時大眾悉自見形在
無盡意菩薩身內時无盡意示現如
是大神通已足是時大眾各還如本時
大莊嚴菩薩摩訶薩問無盡意善男
子我從昔來未曾見聞如是三昧神
通變化無盡意言善男子假使三千
大千世界一切所有悉在我身猶無
增減况於此耶說是無盡意忍辱現
大神變時七十六郡由他天及人發阿
耨多羅三藐三菩提心万二千菩薩
摩訶薩得無生法忍舍利弗是名菩
薩修行忍辱而不可盡
尔時舍利弗語無盡意言善哉善哉
唯善男子汝已快說菩薩摩訶薩提
婆而不可盡唯願仁者當說菩薩毗
梨耶波羅蜜如諸菩薩所得無盡毗
梨耶波羅蜜無盡意言唯舍利弗菩
薩具足八事修行精進而不可盡何

等八發大莊嚴而無有盡積集勇進而不可盡修行諸善而不可盡教化衆生而不可盡助道功德而不可盡助無上智而不可盡助無上慧而不可盡集助佛法而不可盡云何菩薩莊嚴無盡於諸生死心不疲倦不計劫數當成佛道若干劫在而作莊嚴若干劫在不作莊嚴菩薩莊嚴所經劫數不可稱計如從今日至生死本為一日一夜如是三十日為一月十二月為一歲於是百千萬歲一發道心一見如來如是發心所見諸佛如恒沙數於余所佛邊方得知一衆生心行如是遍知一切衆生心之所行猶不退沒是則名曰不懈莊嚴無盡莊嚴經於如是見佛發心知他衆生心所行時常修具足檀波羅蜜尸波羅蜜羼提波羅蜜毗梨耶波羅蜜禪波羅蜜般若波羅蜜修集一切助菩提法具修相好十力無畏不共之法具修一切諸佛法故是名不慚莊嚴無盡莊嚴若有菩薩聞作是說不驚不怖不畏當知是菩薩不懈精進是名菩薩

莊嚴無盡云何菩薩勇進無盡若三千大千世界滿中盛火為見佛故要當從是火中而過若為聞法教化衆生安止衆生於善法故亦應如是從火中過是名菩薩勇進無盡何因緣故名曰勇進常為他故為靜他故為調伏他故為滅盡他故常不懈惕堅牢不退心善安止於大悲中常勤精進而為衆生故名勇進菩薩行時步步御心志向菩提常觀衆生為化度故雖作是觀不起煩惱是名菩薩勇進無盡云何菩薩修習無盡如所發起一切善心常願菩提是名菩薩修集無盡何以故以諸善根迴向阿耨多羅三藐三菩提初無盡故舍利弗譬如天雨一沛之水墮大海中其沛雖微終無滅盡菩薩善根願向菩提亦復如是無有滅盡修集善根者所謂正迴向修集善根為護衆生修集善根為隨衆生諸所須故修集善根為欲成就一切智故修集善根是名菩薩修集無盡云何菩薩教化無盡衆生之性不可稱計菩薩於中不應

稱計若言一日教化三千大千世界滿中衆生如是計數乃至無量不可思議不可稱劫教化衆生者雖作如是教化衆生不可稱計不可思議於衆生分猶未是教化百分千分百千萬分乃至等數譬喻所知衆生何以故是衆生性無量無邊不可稱計不可思議若菩薩聞作是說不驚不怖不畏當知是菩薩勤修精進是名菩薩教化無盡云何菩薩助道無盡菩薩所修助道功德無量無邊菩薩於中不應限量何以故一切衆生所有功德若過去未來現在及聲聞緣覺所有功德於佛世尊始是成就一毛孔功德如是一毛孔所有功德乃至一切毛孔功德聚集成就始成如來一隨形好如是一一隨形好等乃至一切隨形好功德聚集成就如是成就如來一相如是一一相至三十相聚集是三十相百倍功德始成如來眉間毫相乃至修集倍是毫相百千功德始成如來無見頂相是名菩薩助道功德無盡云何菩薩助智無

盡菩薩所修助智無量无边菩薩於
中不應限數若三千大千世界所有
衆生如一信行所成就智如是信行
比一法行所成就智百分千分百千
分百千万分乃至竿數譬喻所不能
及若三千大千世界衆生悉為法行
比一八人所成就智百分千分百千
万分乃至竿數譬喻所不能及若三
千大千世界所有衆生悉為八人智
比一須陀洹所成就智百分千分百
千万分乃至竿數譬喻所不能及若三
千大千世界所有衆生悉為須陀洹
智比一斯陀含所成就智百分千分百
千万分乃至竿數譬喻所不能及若
三千大千世界所有衆生悉為斯陀
含智比一阿那含所成就智百分千
分百千万分乃至竿數譬喻所不能
及若三千大千世界所有衆生悉為
阿那含智比一阿羅漢所成就智百
分千分百千分百千万分乃至竿數
譬喻所不能及若三千大千世界所
有衆生悉為阿羅漢智比一緣覺所
成就智百分千分百千分百千万分

乃至竿數譬喻所不能及若三千大
千世界所有衆生悉成緣覺智比一
百劫菩薩所成就智百分千分百千
分百千万分乃至竿數譬喻所不能
及若三千大千世界所有衆生悉為
百劫菩薩所成就智比一得忍菩薩
所成就智百分千分百千分百千万
分乃至竿數譬喻所不能及若三千
大千世界所有衆生悉為得忍菩薩
所成就智比一得不退菩薩所成就
智百分千分百千分百千万分乃至
竿數譬喻所不能及若三千大千世界
所有衆生悉得不退菩薩智比一補
處菩薩所成就智百分千分百千万
分乃至竿數譬喻所不能及若无量
無邊世界衆生悉如補處所成就智
比一如來是處非處智百分千分百千
分百千万分乃至竿數譬喻所不能
及總說如來諸力無畏不共之法亦
復如是若菩薩聞作是說不驚不怖
不畏當知是菩薩勤行精進是名菩
薩助智無盡云何菩薩助慧無盡一
切衆生所有心行不可窮盡菩薩於

中不應計數過去未來現在衆生所
有心行若有人於一念中具如是等
三世衆生所有心行如是念念皆亦
如是具諸心行如一人心中所具心
行一切無量无边衆生皆亦如是若
過去未來現在衆生所有貪婬瞋恚
愚癡及諸煩惱若有一人於一念中
具如是等三世衆生所有煩惱如是
念念皆亦如是具諸煩惱無量无边
如一人心中所具諸結一切無量无
邊衆生皆亦如是菩薩於中生慧光
明一念慧光無諸塵翳悉照過去未來
現在衆生煩惱諸心所緣境界生住
滅相無有遺餘是菩薩於諸衆生三
世相應諸煩惱等無不盡知舍利弗
譬如虛空無所不覆菩薩慧光亦復
如是無所不照若菩薩聞作是說不驚
不怖不畏當知是菩薩勤行精進是名
菩薩助慧無盡云何菩薩修集助佛
法無盡菩薩所行修助佛法無量无
邊若菩薩於中不應限量從初發心
至坐道場於其中間修行具足六波
羅蜜修行具足諸助道法如是一切

發心修行一切善根不可稱計悉助
佛法是名菩薩修助佛法而無有盡
是名菩薩八事修行精進無盡復次
舍利弗菩薩精進亦不可盡若身善
業若口善業若意善業常勤不懈何
以故菩薩所作精進常與身口意相
應雖身口精進皆由於心心為增上
云何菩薩心精進耶所謂心始心終
云何心始初發心故云何心終菩提
心寂滅故云何心始於諸衆生起大
悲故云何心終無我人故云何心始
攝衆生故云何心終不取諸法故云
何心始不厭生死故云何心終無三
界故云何心始捨所有故云何心終
無所輕故云何心始受持戒故云何
心終不持戒故云何心始修行忍故
云何心終無忿諍故云何心始發行
諸善故云何心終獨不雜故云何心
始修集定故云何心終心清淨故云
何心始多聞無厭故云何心終善思
惟故云何心始習問義故云何心終
法无言說故云何心始求智慧故云
何心終斷戲論故云何心始修四梵

行故云何心終捨真智故云何心始
具五通故云何心終具漏盡故云何
心始發念慶故云何心終念無思惟
故云何心始發正勤故云何心終統
善不善故云何心始發如意分故云
何心終具報得故云何心始發諸根
方便故云何心終觀諸根法故云何
心始集諸力故云何心終智不壞故
云何心始發助菩提分故云何心終
善知分別諸學方便故云何心始
求助道法故云何心終無進趣故云
何心始求寂滅故云何心終心永寂
滅故云何心始發起慧故云何心終善
知法故云何心始覺知因故云何心
終善知因故云何心始從他聞故云
何心終於諸法中無放逸故云何心
始發嚴飭故云何心終知身性故云
何心始莊嚴口故云何心終聖默然
故云何心始行三脫故云何心終無
所作故云何心始降四魔故云何心
終捨結習故云何心始知方便故云
何心終了於慧故云何心始善知發
故云何心終善知度故云何心始知

世俗故云何心終善知真諦故是名
菩薩心精進也是心具足精進無盡
故說始終菩薩具足如是作相而心未
常住於作業是菩薩於諸業相知而
故作云何菩薩知而故作為諸善根
故為諸衆生修大悲故不離有為為一
切佛真妙智故不墮生死是名菩薩
摩訶薩毗梨耶波羅蜜而不可盡說
是法時七十那由他諸天及人發阿
耨多羅三藐三菩提心三萬二千菩
薩摩訶薩得無生法忍
無盡意菩薩經卷第二

已亥歲高麗國大藏都監奉
勅彫造

無盡意菩薩經卷第三

罪

齊

宋涼州沙門智嚴共寶雲譯

今時舍利弗語無盡意言善哉善哉唯善男子仁已快說菩薩毗梨耶波羅蜜而不可盡唯願仁者當說菩薩禪波羅蜜如諸菩薩所得無盡禪波羅蜜無盡意言若菩薩摩訶薩以十六事修行禪定而無有盡不與聲聞辟支佛共何等十六菩薩修定無有吾我具足如來諸禪定故菩薩修定不味不著不來已樂故菩薩修定行於大悲斷諸衆生煩惱結故菩薩修定增益諸禪觀見欲界諸過患故菩薩修定具諸通業為知衆生諸心行故菩薩修定其心柔軟於衆生中得自在故菩薩修定諸禪三昧善知入出過於色界無色界故菩薩修定其心寂滅勝於二乘諸禪三昧故菩薩修定更無有發畢竟已作故菩薩修定無諸衰耗善斷除滅諸習氣故菩薩修定常入智慧過諸世間到彼岸故菩薩修定為知衆心度脫一切諸

衆生故菩薩修定不斷三寶種具

無盡諸禪定故菩薩修定無有退失

其心常定無錯謬故菩薩修定而得

自在具足一切諸善法故菩薩修定

內善思惟斷入出息得勝智故舍利

弗是名菩薩以十六事修行禪定而

無有盡不與聲聞辟支佛共云何名

為菩薩修定具諸通智故云何為通

云何為智若見諸色相是名為通若

知一切色盡法性而不證盡是名為

智若聞音聲是名為通解了三世一

切音聲無言辭相是名為智若知一

切衆生心行是名為通若知心行悉

皆滅盡不證於滅是名為智若念過

去是名為通若知三世無有罣碍是

名為智若能通至諸佛世界是名為

通若知佛界同虛空相是名為智若

求諸法無破壞相是名為通若不見

法是名為智若不壞世是名為通若

不雜行是名為智若過釋梵護世天

王是名為通過於二乘學無學智是

名為智是名菩薩修行禪定通智是

別唯舍利弗菩薩若知一切衆生煩惱

亂心是故修集諸禪定法助成住心

舍利弗如是衆生煩惱心亂菩薩於

中善修聚集助成禪定今此禪定住

平等心是名菩薩修行禪定若住衆

生平等智中是名為定心行平等性

相平等畢竟平等正行平等是名為

定住於施戒忍辱精進禪定智慧及

諸法等是名為定如定等者則衆生

等衆生等者則諸法等入如是等是

為定如是等定則等於空等於空者

則衆生等衆生等者則諸法等入如

是等是名為定如空等者則無相等

無相等者則元願等無願等者則無

作等無作等者則衆生等衆生等者

則諸法等入如是等是名為定自心

等故他心亦等是名為定一切等者

謂利衰如地水火風得是等心心如

虛空無有高下常住不動所行威儀

常定不轉本性自尔不怵不高自在

無畏寂默無言知義知法知時非時

隨世所行不離於世捨世八法滅一

切結速離憒鬧樂於獨處菩薩如是

修行諸法於諸禪定心安止住離世

所作是菩薩以方便慧入禪波羅蜜入禪定時生大悲心為諸衆生是名方便其心永寂是名為慧入時念佛是名方便不依止禪是名為慧入時攝取一切善法是名方便不分別法性是名為慧入時趣向莊嚴佛身是名方便於佛法身不生分別是名為慧入時念佛聲如梵音是名方便於法性中無言說相是名為慧入時受持心如金剛是名方便思惟諸法本性不亂是名為慧入時不捨本所誓願教化衆生是名方便於一切法思惟無我是名為慧入時思惟一切善根是名方便思惟善根性無所住是名為慧入時遍觀諸佛世界是名方便見諸佛界同於虛空是名為慧入時莊嚴菩提道場是名方便觀所莊嚴同於寂滅是名為慧入時欲轉無上法輪是名方便思惟法輪無轉不轉是名為慧入時一向修助覺分是名方便為知衆生諸熱惱心是故修集如來禪定知一切法相應不相應有相無相一切相續隨順菩薩決定思

惟是名為慧是名菩薩入於禪定方便慧也如是菩薩禪波羅蜜方便智慧二事俱行得佛法器一切諸魔不能破壞說是法時三萬二千菩薩得日燈三昧何因緣故名日燈三昧譬如日出燈火月光星宿諸明悉不復現菩薩大士得是定已先所修智一切二乘學與無學及餘衆生所得諸智皆亦如是悉不復現是名日燈三昧菩薩住於禪波羅蜜即於無量百千種種諸禪三昧而得自在於此中當說少分其名曰電燈三昧淨三昧月光三昧淨莊嚴三昧不可思議三昧勇出三昧照明三昧無垢光明三昧功德光明三昧一切法中得自在三昧吉道三昧無憂三昧堅穩三昧勇出如須弥山等三昧法炬三昧法健三昧法尊三昧自在知一切法三昧佳法聚三昧持持法淨三昧隨知他心行三昧法幢瓔珞三昧燒一切煩惱三昧破四魔力三昧十力聲勇健三昧無尋斷尋三昧手燈三昧施得名聞三昧持地三昧住無我如須弥山

三昧勝諸明智三昧智焰三昧生慧三昧修禪三昧無量自在三昧心調伏無我無我所成就三昧水月三昧日聲三昧無有高下如佛三昧離相三昧如善調鳥師子遊戲三昧念佛三昧念法得智自在無尋三昧無退不退三昧不瞋三昧勝淨無我三昧空三昧無相三昧無願三昧住心平等三昧金剛三昧增上三昧無能勝三昧旋三昧淨聲三昧善分別三昧離煩惱三昧廣大如空三昧入諸功德三昧念意進覺三昧勇慧三昧辯無盡三昧語無盡三昧持持三昧不忘三昧善作三昧觀一切世三昧善知所樂三昧生踊躍三昧勇慈心淨三昧大悲根本三昧入善三昧捨離三昧三昧法義三昧法作三昧智炬三昧智海三昧不波蕩三昧一切心喜三昧調伏三昧解脫智三昧已自在三昧法場金剛幢三昧蓮華三昧蓮華增上三昧離世法三昧不動三昧慧增上三昧諸佛所念首楞嚴三昧無諍三昧火三昧火明三昧解脫

勝智三昧莊嚴佛身三昧遍照三昧
入衆生心歡喜三昧順助道三昧莊
嚴諸波羅蜜三昧實騷三昧與諸覺
華三昧與解脫異^{三昧}甘露三昧速
疾如風三昧實際三昧遮海濤三昧
山相博三昧廣大神足三昧見無量
諸佛三昧聞持三昧不乱三昧一念
智無量功德海淨三昧如是等不可
計數由他諸三昧入禪波羅蜜時志
得清淨舍利弗是名菩薩修行禪定
而不可盡

今時舍利弗語無盡意善哉善哉善
男子仁已快說菩薩波羅蜜唯願
仁者當說菩薩般若波羅蜜如諸菩
薩所得無盡般若波羅蜜善男子般
若波羅蜜云何行入無盡意言唯舍
利弗般若波羅蜜如聞修行善入思
惟舍利弗言唯善男子云何如聞修
行無盡意言聞者具八十行何等八
十欲修行順心行畢竟心行常發起
行親近善友行無憍慢行不放逸行
恭敬行隨順教行從善語行數往佛
所行至心聽法行善思惟行不乱心

行勤心進行生實想行起樂想行除
諸病行念器行進覺行意喜行入覺
行聞無厭行增長捨行調智行親近
多聞行發歡喜行身輕悅行心柔和
行聞無疲倦行聞義行聞法行聞威
儀行聞他說行聞所未聞行聞諸通
行不求餘乘行聞諸波羅蜜行聞菩
薩戒行聞諸攝法行聞方便行聞四
梵行聞念正智行聞生方便行聞無
生方便行觀不淨行思惟慈行觀因
緣行觀無常行觀苦行觀無我行觀
寂滅行觀空行觀無相行觀無願行
觀無作行作善行持真實行不失行
好惡住處防護心行勤進無慳行善
分別諸法行知諸煩惱非伴侶行護
諸善法自伴侶行降伏煩惱非伴侶
行親近正法財行斷貧窮行智者所
讚行欣樂利根行衆聖所歡行令非
聖者生歡喜行觀諸諦行觀陰過患
行思量有為多過患行思議行不作
一切惡行自利利他行隨順增進諸
善業行進增上行得一切佛法行舍
利弗是名菩薩如其所聞具八十行舍

利弗菩薩摩訶薩行般若波羅蜜具
三十二事善入思惟何等三十二善
入受持定善入分別慧善入心柔和
善入身獨行善入十二緣善入不斷
善入不常善入因緣生法善入無衆
生無命無人善入元來去住處善入
無進不斷因果善入空不懸善入無
想不廢善入無願不捨善入不證空
無相無願善入生諸禪三昧善入不
隨禪定生善入生諸通智善入不證
無漏法善入內觀法善入不證決定
善入思量有為法過患善入不著有
為法善入觀一切衆生無我而不捨
大悲善入一切趣諸怖畏處善入雖
生諸趣非業故生善入離欲善入不
證離欲法善入捨所樂欲善入不捨
法樂善入捨一切戲論諸覺善入不
捨方便諸觀舍利弗是名菩薩行般
若波羅蜜三十二事善入思惟又復
善思惟者所謂善順句善順句者是不
始句是不終句是不住句是不依句
是不動句是不荷句是平等句是非
爭句是真實句是正真句是不變句

是清淨句是永寂句是不然句是不
 舉句是不下句是不滅句是不增句
 是不共句是不戲論句是如句是不
 如句是如非如句是非如非不如句
 是如寶句是三世平等句是三際句
 是不住色句是不住受想行識句是
 不住地大句是不住水火風句是不
 住眼界色界眼識界句是不住耳界
 聲界耳識界句是不住鼻界香界鼻
 識界句是不住舌界味界舌識界句
 是不住身界觸界身識界句是不住
 意界法界意識界句是念義句是念
 智句是了義經句是念法句是名菩
 薩善入思惟又復善思惟者所謂一
 切諸法若我無我如是諸法隨順觀
 察若知衆生無有我者即是隨順觀
 察諸法如是觀察即是善入思惟如
 善思惟即是思惟生死涅槃同一法
 界觀是二句無有差別如是見者是
 名勤進善入思惟若觀黑法及以白
 法二性平等無有差別是名勤進善
 入思惟若觀諸厄及以無厄不動不
 恃是名勤進善入思惟若菩薩起善

思惟為諸衆生而不捨離於諸法相
 亦不分別是名菩薩發善思惟舍利
 弗如聞行者如是得入報善思惟是
 名為慧舍利弗菩薩慧者有十六法
 不於中住六何十六不住無明行識
 名色六入觸受愛取有生老死乃至
 不住無明滅至生死滅不住根本身
 見乃至不住六十二見不住高下乃
 至不住世法利衰毀譽稱譏苦樂不
 住惛惛增上惛惛惛我惛下惛惛惛
 邪惛乃至不住二十煩惱不住因貪
 所起諸結若麤若細若上中下乃至
 不住貪欲所起一切諸結不住癡闇
 復蓋諸尋乃至不住因癡所起一切
 諸結不住煙欲愛濁不住陰死煩惱天
 魔乃至不住因魔所起諸魔事等不
 住我人衆生壽命養育士夫乃至不
 住取衆生相不住業障報障法障煩
 惱障諸見障乃至不住一切習氣不
 住思想憶想分別想緣想想境界見聞覺
 知乃至不住一切諸結不住隨衆生
 心行智乃至不住八万四千法聚不
 住慳貪布施破戒持戒瞋恚忍辱憊

怠精進亂意禪定愚癡智慧乃至不
 住諸波羅蜜伴非伴等不住定亂邪正
 善不善世間出世間可作不可作有漏
 无漏有為無為黑法白法生死涅槃乃
 至不住一切諸法伴非伴等不住衆
 生異相諸衆異相佛界異相諸佛異
 相諸法異相聖衆異相乃至不住一
 切異相不住知不知識不識世諦真
 諦乃至不住一切諸相所謂菩薩思
 惟慧者无聞無行无身無相无形無
 為如是真慧不住一切憶想思惟心
 作止住名字異相舍利弗是名菩薩
 真智慧者不住如是十六法中舍利
 弗云何菩薩慧者廣所具八方便何
 等八諸陰方便諸界方便諸入方便
 諸諦方便諸緣方便三世方便諸
 衆方便諸法方便云何諸陰方便若
 說諸陰如沫如泡如熱時焰如芭蕉
 樹如幻如夢如呼聲響如鏡中像如
 影如化如水沫如水沫性非我非衆生非
 命非人色亦如是能如是知是名菩
 薩觀色方便受喻如泡想喻如焰行
 如芭蕉識喻如幻如泡如焰如芭蕉

幻性無我如前卷第三世第廿四無衆生無命無人受想行識亦復如是能如是知是名菩薩觀受想行識方便諸陰如夢如響如像如影如化如化等性無我無衆生無命無人是諸陰等亦復如是能如是知是名菩薩觀陰方便所謂陰者即世間相世間相者是可壞相如可壞相即無常性苦性無我性寂滅性能如是知是名菩薩觀陰方便云何菩薩知界方便法界地界水界火界風界是法界中無有堅相濕相熱相動相法界眼界耳界鼻舌身意界是法界中無有見相聞相嗅相別相覺相知相法界色界聲香味觸法是法界中無眼可見相耳可聞相鼻可嗅相舌可別相身可覺相意可知相法界眼識界耳鼻舌身意識界是法界中無眼識知色乃至無意識知法法界色界法界非色作相乃至法界亦復如是法界我界無二无別法界欲界色界無色界我界生死界涅槃界無二无別法界虚空界一切法界我界空界無相无願無作不出不生無所有等如涅槃虛

空涅槃及一切法等無有二如是無量有為法界入無為界能如是知如是說者是名菩薩知界方便云何菩薩觀入方便如佛所說眼空我空我所空何以故是眼性中無我無我所耳鼻舌身意空亦復如是觀是入者見一切法若善不善無有二相是名菩薩觀入方便若眼入色入若見眼色離欲不證離欲法是名菩薩觀入方便耳入聲入鼻入香入舌入味入身入觸入意入法入若見離欲不證離欲法是名菩薩觀入方便所謂入者若聖入非聖入云何聖入若修集道云何非聖入不修集道若菩薩住道於不修道者生大悲心不捨入道是名菩薩觀入方便云何菩薩觀諦方便所謂甚深難入云何難入若苦智集智滅智道智苦智者觀陰无生集智者觀斷受受因滅智者觀無明等諸煩惱無有和合道智者得平等觀於一切法無所倚著菩薩若於四聖諦中作如是觀而不取證為化衆生是名菩薩觀諦方便復有三諦何等三俗

諦第一義諦相諦云何俗諦若世間所用語言文字假名法等云何第一義諦乃至無有心行何況當有言語文字云何相諦觀一切相同於一相一相者即是無相菩薩隨順俗諦而不耽憊觀第一義諦而不取證觀諸相諦一相無相是名菩薩觀諦方便復有二諦何等二俗諦第一義諦何等俗諦若說苦集道諦若世間語言文字假名法等云何第一義諦若於涅槃法終不忘失何以故如與法界其性常故菩薩修俗不生耽憊觀第一義而不取證復有一諦何等為一於一切法無所倚著為化衆生現有所著是名菩薩觀諦方便復次五陰苦若見五陰苦相是名為苦觀苦即空是名苦智觀苦聖諦若觀五陰諸煩惱愛因見因是名為集若觀受因見因不取不著不希不求是名集智觀集聖諦若五陰畢竟盡相過去已滅未來未生現在不住是名為滅能如是知是名滅智觀滅聖諦若得道者證集滅智比智知已是名為道若於是中見空性是名道智觀道聖諦若能

如是觀四聖諦是名菩薩觀諦方便
若一切受是名為苦若於諸受思惟
分別是名苦智觀苦聖諦受因和合
是名為集若於受因知如真實是名
集智觀集聖諦若除諸受無受者受
觀受滅盡不證於滅為化眾生是名
滅智觀滅聖諦若有所受是名為道
雖有和合猶如棧喻不為所受不求
於道是名道智觀道聖諦作如是知
見四聖諦清淨平等是名菩薩觀諦
方便復次略說生苦是名為苦若觀
於生是名苦智觀苦聖諦生從因緣
是名為集若觀有非有是名集智
觀集聖諦一切生非生是即非滅若
法不生即無有滅是名為滅若觀此
滅即是滅智觀滅聖諦若如是等推
求攝量思惟分別是名為道若滅如
是求攝量等入法門者是名道智觀
道聖諦若住於智不證聖諦是名菩
薩觀諦方便云何菩薩觀緣方便集
不善思惟故無明集元明集故行集
行集故識集識集故名色集名色集
故六入集六入集故觸集觸集故受

集受集故受集受集故取集取集故有
集有集故生集生集故老死集老死集
故憂悲苦惱集若知如是諸苦聚集是
名菩薩觀緣方便若住如是諸法聚集
則不長養元所作無諍訟無有主無所
屬無繫縛所謂若因善法因不善法
因不動法若因向涅槃法如是等法
如實分別若諸眾生根量齊限因是
諸根所作諸業若有受報及非受報
善知其因聚集方便是名菩薩觀緣
方便不善思惟滅則無明滅元明滅
故行滅行滅故識滅識滅故名色滅
名色滅故六入滅六入滅故觸滅觸
滅故受滅受滅故受滅受滅故取滅
取滅故有滅有滅故生滅生滅故老
死滅老死滅故憂悲苦惱諸苦聚滅
若知如是諸苦聚集是名菩薩觀緣
方便一切諸法屬因屬緣屬和合若
法屬因緣和合是法則不屬我人眾
生壽命若法不屬我人眾生壽命則
不入法數能如是知是名菩薩觀緣
方便若菩薩所修諸法為助菩提安
止菩提如是諸緣悉見滅盡而不取證

為化眾生是名菩薩觀緣方便云何
觀三世方便若念過去已身他身善
不善心心數法不善心法呵責毀訾
善心心數法善心法迴向無上菩提是名
菩薩觀過去方便若未來世心心數法
一向專念菩提之道若起善心願志
迴向無上菩提所有不善心心數法
不令入心發如是願是名菩薩未來
方便若現在世心心數法善思惟等
所作諸業悉以迴向無上菩提是名
菩薩觀現在方便作如是方便是名
菩薩觀三世方便復次善解三世空
無所有若作是觀觀三世空智慧力
故若於三世諸佛所種無量功德悉以
迴向無上菩提方便力故如是方便是
名菩薩觀三世方便復次雖見過去盡
法不至未來而常修善精勤不憚觀
未來法雖無生出不捨精進願向菩
提觀現在法雖念念滅其心不忘發
趣菩提如是方便是名菩薩觀三世
方便過去已滅未來未至現在不住
雖如是觀心心數法生滅散壞而常
不捨聚集善根助菩提法如是方便

法華經疏卷第三

法華經疏卷第三

法華經疏卷第三

法

具名菩薩觀三世方便復次若諸神通念過去世所作善根念已迴向無上菩提念未來世未生善根願心所圖如意成就就現在世中常生善根專念不迴向無上菩提之道如是方便是名菩薩觀三世方便復次若化衆生念過去世所作善根助道功德所謂隨衆生心應可化者如其願樂悉已化訖若未來世所有衆生或須見佛及諸聖人而得度者隨形應適悉令得度若現在世所有衆生若應聞法應現神力亦隨所應皆悉化之隨所教化諸衆生已則於三世成自他利如是之利悉為菩提具足昇智如是方便是名菩薩觀三世方便

舍利弗云何菩薩觀諸乘方便世有三乘何等三聲聞乘緣覺乘大乘復有二乘何等二天乘人乘云何菩薩觀聲聞乘佛未出世無聲聞乘何以故從他聞法生於正見所謂聞者持戒威儀威儀具故戒聚具足成聚具足已定聚具足定聚具足已慧聚具足慧聚具足已解脫聚具足解脫聚

具足已解脫知見聚具足如是方便是名菩薩觀聲聞乘方便復次觀聲聞乘若善不善及不動行心常毀咎散離三界觀一切行無常苦無我寂滅涅槃乃至一念不希受生常懷怖懼心不甘樂觀陰如怨界如毒蛇入如空聚於一切趣不願受生若能如是開示分別名菩薩觀聲聞乘方便云何菩薩觀緣覺乘方便若緣覺出世觀其所行如實知之緣覺所行出過聲聞所有功德欲精進不放逸持戒少聞不多供養諸佛世尊給侍使令以中報故常有歡心所作衆事皆悉勤少默思憤悶常樂遠離獨住空閑威儀庠序出入疑重安心靜默簡於人事能為衆生現世福田其心耽樂觀十二緣常念一法出世涅槃數遊禪定不從他聞自然覺了少分境界因緣悟道故名緣覺若能如是開示分別名菩薩觀緣覺方便云何菩薩觀大乘方便其乘無量今於此中當說少分是乘無量悉能容受一切衆生無量尋故是乘增長一切

善根今無量衆生得受用故是乘具足諸波羅蜜能隨衆生心行化故是乘能過助道之法進趣無尋至道場故是乘平等無尋光明照於一切無量衆生悉堪受故是乘無畏過怯弱道悉能示現諸佛法故是乘難壞一切諸魔外道邪衆了十二緣建立佐助菩提幢故是乘能除一切諸邊有元斷常因緣諸見所起煩惱障尋覆蓋疑網調戲得佛無尋真智慧故是乘富足具諸珍寶真實不虛能益衆生大悲勇猛本願成就故是乘具足十力無畏不共之法相好嚴身身口意故如是方便是名菩薩觀大乘方便云何菩薩觀一切法方便所謂若有為若無為菩薩於中善知方便云何善觀有為方便所有身善業口善業意善業願以迴向無上菩提是名有為方便若觀身口意業同菩提相迴向菩提是名菩薩觀無為方便復次有為方便若能聚集五波羅蜜是名有為方便雖知般若波羅蜜其性無為於所聚集終無厭賤要欲具足諸波

羅塞澤解善根同無漏菩提而猶願
成一切種智是名菩薩無為方便復
次有為方便住於無尋平等心中以
四攝法攝取眾生是名有為方便去
何無為方便善解眾生無我無人無
所怖求知四攝法同無為解脫而能
迴向一切種智是名無為方便復次
有為方便若諸煩惱生死相續斷令
不起所有善根助菩提者令不斷絕
乃至不行少煩惱分是名有為方便
去何無為方便雖觀空無相無願知
此三空即助道方便故能不證是名
無為方便復次有為方便雖在三界
不為三界煩惱所汙是名有為方便
去何無為方便雖出三界不證於出
是名無為方便如佛所說知諸法方
便則能具足一切種智何以故一切
種智無量無邊具足正念慧方便故
是故名為一切法方便舍利弗是名
菩薩智慧所因八方便也舍利弗是
八方便能攝菩薩無盡智慧舍利弗
是慧能解觀了善法不善法故是慧
如箭善射法故是慧能行聖法現在

故是慧真解斷除諸見煩惱障導諸
覆蓋故是慧定願惡能滿足本所求
故是慧消融能除煩惱諸熱故是
慧悅豫不斷法樂故是慧正念了所
緣義故是慧安住具三十七助道法故
是慧得相如所行乘能具足故是慧
解相性知照故是慧能度過諸流故
是慧能進成正定決定故是慧正見
具足一切諸善法故是慧歡喜隨煩
惱者能拔濟故是慧殊勝得頂法故
是慧微妙自然覺故是慧不行不近
三世故是慧攝取具一切方便故是
慧能斷過諸思想故是慧不放逸捨
離闇昧故是慧初始發行一切諸善
法故是慧能發具諸乘故是慧照明
除無明網故是慧與眼一切眾生如
其所解得明了故是慧無依過眼色
故是慧第一義出真實故是慧無諍
善分別故是慧明了向智門故是慧
無盡能遍行故是慧不逆見十二緣
故是慧解脫諸纏繫縛惡善斷故是
慧不雜離於一切障導法故舍利弗一
切眾生所有心行如是智慧慧能照

達如眾生心行慧思智諸煩惱門如
是智慧皆悉觀了若聲聞緣覺菩薩
如來所有智慧是菩薩慧能遍學命
利弗是名菩薩無盡之慧以是無盡
慧具無盡智說是法時三萬二千菩
薩善根熟者得無生法忍
無盡意菩薩經卷第三

庚子歲高麗國大藏都監奉
勅彫造

無盡意菩薩經卷第四

罪

宋涼州沙門智嚴共寶雲譯

爾時無盡意菩薩復語舍利弗菩薩
修慈亦不可盡何以故菩薩之慈無
量無邊是修慈者無有齊限等眾生
界菩薩修慈發心普覆舍利弗譬如
虛空無不普覆是菩薩慈亦復如是
一切眾生無不覆者舍利弗如眾生
界無量無邊不可窮盡菩薩修慈亦
復如是無量無邊無有窮盡虛空無
盡故眾生無盡眾生無盡故菩薩修
慈亦不可盡是謂大士所修慈心不
可得盡舍利弗言善男子齊幾名眾
生界無盡意言所有地界水界火界
界其量無邊而猶不多於眾生界
舍利弗言唯善男子頗可得說譬喻
比不無盡意言可說但不得以小事
為喻舍利弗東方去此盡一恒沙佛
世界南西北四方維止下皆一恒沙
佛世界作一大海其水滿溢使一恒
河沙等諸眾生聚集共以一毛破為
百分以一分毛滌取一滌如是一恒

河沙共取一滌二恒沙共取二滌如
是展轉乃至盡大海水盡是眾生界猶
不可盡菩薩慈心慈能遍覆如是眾
生舍利弗於意云何是修慈善根豈
可盡耶舍利弗言實不可盡唯善男
子是虛空性尚可得盡菩薩慈心不
可盡也若有菩薩聞作是說不生驚
怖當知是人得無盡慈舍利弗是慈
能自擁護已身是慈亦能利益他人
是慈無諍是慈能斷一切瞋恚荒穢
繫縛是慈能離諸結及使是慈歡喜
是慈不見一切眾生破戒之過是慈
無熱身心受樂是慈速離一切惱害
是慈能離一切怖畏是慈能順眾聖
人道是慈能令瞋者歡喜是慈能勝
一切閑諍是慈能生利養稱歎是慈
莊嚴釋梵威德是慈常為智人所讚
是慈常護凡夫愚人是慈常能隨順
梵道是慈不離速離欲界是慈能向
解脫法門是慈能攝一切諸乘是慈
能攝非財功德是慈長養一切功德
是慈過諸無作功德是慈慈能莊嚴
相好是慈能離下劣鈍根是慈能開

天人涅槃諸善正道是慈能離三惡
八難是慈愛樂諸善法等是慈如願
一切所欲成就自在是慈平等於諸
眾生是慈發行離諸異相是慈正向
持戒之門是慈能護諸犯禁者是慈
能成無上忍力是慈能離諸慢放逸
是慈能發無諍精進入於正道是慈根
本入聖禪定是慈善能分別於心離
諸煩惱是慈因慧而生持持語言文
字是慈定伴離魔結伴是慈常與歡
樂同止是慈善為心之所使是慈堅
持威儀法式是慈能離諸調動等是
慈能滅種種諸相是慈善香慚愧塗
身是慈能除煩惱臭氣舍利弗夫修
慈者慈能擁護一切眾生能捨已樂
與他眾生聲聞修慈齊為己身菩薩
之慈慈為一切無量眾生舍利弗夫
修慈者能度諸流慈所及處有緣眾
生又緣於法又無所緣緣眾生者初
發心也緣法緣者已習行也緣無緣者
得深法忍也舍利弗是名菩薩修行
大慈而不可盡復次舍利弗菩薩摩
訶薩修行大悲亦不可盡何以故舍

利弗如人命根即以出息入息為本菩薩如是修學大乘以大悲為本如轉輪聖王以輪寶為本菩薩如是修一切智以大悲為本如大長者唯有一子慈愛情重菩薩大悲亦復如是於諸眾生愛之若子如是大悲我已行已如是大悲作已利已如是大悲不假外事如是大悲已心所作出不諂曲如是大悲所作畢竟出正決定如是大悲種性所作出於直道如是大悲心無邪曲出生正直如是大悲無有憍慢出眾境界如是大悲捐捨已身出如來身如是大悲不貪壽命出不作惡如是大悲擁護眾生出於菩提如是大悲護真實法出心清淨如是大悲見諸窮厄出拔濟事如是大悲本指堅固出不動心如是大悲不欺已身人天賢聖出不虛誑如是大悲其行清淨出於善業如是大悲自捨已樂出與他樂如是大悲不與他苦出不焦熱如是大悲能令眾生捨於重擔出堅精進如是大悲有忍勢力出護無力如是大悲不厭可汙出

暗病者如是大悲得法自在出教化鉅根如是大悲覆自功德出顯他切業如是大悲出離諸苦如是大悲出求無漏樂如是大悲出捨所愛物如是大悲出作眾善業無所憊惱如是大悲出善持禁不捨毀戒如是大悲出教化眾生如是大悲出不惜身命如是大悲出捨自支節如是大悲出生他善根如是大悲出自利益善根如是大悲出無味諸禪如是大悲出不厭欲界如是大悲出於觀慧如是大悲出不汙善根如是大悲出諸眾生如所願成如是大悲出有為無為如是大悲出不證無為如是大悲出知眾生性同無為而能教化如是大悲出護發戒者如是大悲出讚歎佛戒如是大悲諸悲出於大悲以是因緣故名大悲謂大悲者必定善行布施持戒忍辱精進禪定智慧諸助道法為得自然無師智慧營他眾生所作事業精勤專著如修已務以是因緣故名大悲舍利弗是名菩薩修行大悲而不可盡

復次舍利弗菩薩摩訶薩修行於喜亦不可盡云何為喜常念於法歡喜踊躍不生態息無諸熱離五欲樂住於法樂心和悅豫身輕柔軟意勤勸篤心常生悲樂求如來無上法身樂修相好以自在嚴聽法无厭念行正法念行正法已心生歡喜生歡喜已具得法悲常於眾生不生導心以增上欲勤求於法生欲法已深心得解甚深佛法遠離二乘發無上心除諸慳惜發於捨心見來乞者心生歡喜捨時歡喜施已無悔如是布施三時清淨得清淨已心則悅豫於持戒者常行布施於毀禁者喜心攝取自持禁戒心則清淨能令惡道怖懼眾生得無所畏遠離惡處一心迴向如來禁戒堅持牢固不可毀壞惡罵加已堪忍不報於諸眾生心無憍慢於諸尊長謙下恭敬言常和悅離於顯威先以愛語終無諂曲不以邪心誘誑於人不以利養為他執役其心清淨無有麤過於諸不可不見其過不求他短不舉人罪專心正念諸和敬法

於諸菩薩生如來想愛說法者重於
已身受重如來如惜已命於諸師長
生父母想於諸衆生見息想於諸
威儀如護頭首於諸波羅蜜如愛手
足於諸善法生珍寶想於教誨者生
五欲想於知足行生無病想愛樂求
法生妙藥想於舉罪者生良醫想攝
持諸根無有懈怠是故名喜是喜寂
靜覺知微妙故是喜寂滅無調暢故
是喜行獨不戲論故是喜本根心不
亂故是喜多聞取善語故是喜平等
心柔軟故是喜勇猛善作業故是喜
不悔專行善故是喜正住不懈怠故
是喜不動无所依故是喜不共難摧
伏故是喜實義不忘失故是喜真實
無變異故是喜誠諦如所作故是喜
能捨力堅牢故是喜大力無能勝故
是喜能作諸佛神力求諸佛法故舍
利弗是名菩薩修行於喜而不可盡
復次舍利弗菩薩摩訶薩修行於捨
亦不可盡云何菩薩修捨無盡菩薩
行捨捨有三種云何為三捨諸煩惱
捨護已他捨時非時云何捨諸煩惱

恭敬供養其心不高輕蔑毀此心亦
不下若得利養心不貪恃若遭衰惱
心亦不愁若遇譽讚心無喜慶若遭
毀者心不退縮若遇譏者心無虧缺
若有稱者心善住法若遭苦事心力
忍受若遇樂事明見無常放捨所愛
斷於瞋恚於親非親得平等心持戒
毀戒意無增減作善作惡無有二相
於愛非愛心無所著聞善不善心能
堪忍於善惡語心不繫著於味過患
其量無二於諸衆生得平等心於上
中下得等光明不惜身命好惡名聞
同於法界於實相法心得清淨於世法
等得菩薩捨捨是名菩薩捨於煩惱云
何菩薩捨護已他若被割截身體支
節心無腹恨不求饒報以得捨心故
能捨二内外身口於此二中不生諍訟
於眼與色無有欲汙耳聲鼻香舌味
身觸意法亦復如是故於二中不生
諍訟是故名捨不傷不害是故名捨
捨護已他是故名捨於利非利心行
平等是故名捨於第一義不生諍訟
是故名捨於已心中善能分別是故

名捨觀捨已身是故名捨不害他身
是故名捨菩薩修捨於諸禪定常行
捨心諸佛世尊不聽菩薩於諸衆生
而行捨心何以故菩薩常修精進為
利自他勤求善根是名菩薩捨護已
他云何捨時非時非器衆生捨不引
按義毀譏苦捨而不受捨求聲聞成
決定者行布施時捨捨持戒修持戒
時捨於布施修忍辱時捨捨進修
精進時捨捨戒忍行禪定時捨於布
施修智慧時捨五波羅蜜所不應作
終不復作如是諸法安住戒行精勤
勇猛具足修行是名菩薩修無盡捨
復次舍利弗菩薩諸通亦不可盡云
何諸通天眼通天耳通他心通宿命
通如意通云何天眼通菩薩天眼於
諸天龍鬼神諸乳闍婆學無學人聲
聞緣覺所有天眼為第一微妙殊
勝開達明了向一切智功德所成不
與天龍二乘共之若有十方無量无
邊諸佛世界所有形貌色像光明若
塵若細若近若遠菩薩天眼一切悉
見照了分別善解善見亦見其中所

有衆生諸趣者除無色天其餘業行生死相續若業業果分別諸根悉知無遺若於十方無量無邊諸佛世尊所有莊嚴淨妙國土悉見無餘如是見已清淨持戒願以迴向莊嚴已土住是持戒如其所願悉得成就無量大利菩薩天眼亦見其由菩薩大衆修行於道身四威儀及正意念得解脫法安住持持辨才方便入慧方便見已自修如是諸行悉令備足是菩薩眼清淨無尋得見色故是眼不汗不着色故是眼解脫遠離諸見煩惱故是眼清淨性明了故是眼不依離所緣故是眼不發斷煩惱故是眼無翳斷疑網故是眼不起斷障導故是眼得明照了法故是眼念知不行識故是眼無貪瞋恚愚癡能斷一切諸結使故是眼無上趣聖本故是眼無尋平等光明照衆生故是眼無垢斷惡法故是眼不染清淨故是眼入佛眼畢竟不捨故是眼不縛斷愛患故是眼行義出於真實修行念知淨道法故何以故是大士安住大悲

深解法相善分別義無有評訟隨見聞說背不善法趣向道場心無障尋見憊惜人能捨財施見毀禁者修持淨戒見瞋恚者修忍不諍見慳急者攝取勸勵見散心者示諸禪支無智慧者施與慧眼行邪道者示以正道偕下行者為說甚深微妙佛法令入一切智不退諸通具足菩提舍利弗是名菩薩天眼神通而不可盡云何菩薩天耳神通若十方無量無邊諸佛世界所有諸聲所謂天龍鬼神乾闥婆阿修羅迦樓羅緊那摩睺羅伽人非人聲及以聖聲所謂聲聞緣覺菩薩正遍知聲一切凡是耳根所對乃至地獄餓鬼畜生蠅蚋蚤蟲所有諸聲一切悉聞若諸衆生心所緣處若善不善無記所作事業出諸音聲一切悉解若口善業口不善業口無記業如是諸業悉如實知若有口業因於愛欲說瞋說癡若有口業因於瞋恚說欲說癡若有口業因於愚癡說欲說瞋若因欲說欲因瞋說瞋因癡說癡如是諸聲亦皆能知或有口

業心淨口麁或有口業口淨心麁或有口業口淨心淨或有口業口麁心麁如是一切無尋耳通能如實知是菩薩天耳亦知聖聲及非聖聲若聞聖聲不生愛著聞非聖人聲心不生礙於聖人聲得具大慈非聖人聲得具大悲若聞過去未來諸聲得盡本際如寧正智是菩薩天耳得聞一切諸佛世尊所說妙法聞已憶念正智持持不忘不失隨衆生器而為說法善知諸法堅不堅相是菩薩若聽一佛說法不聞餘佛所說法者無有是處一切諸佛所可演說悉能聽受菩薩若聞善不善無記法聲皆悉善知時與非時所謂若有衆時非說法時間已默然而無所說若有說時非有衆時所謂正為一人能堪受者是故雖說不為一切事若真實或畏傷他故不為說事若不實為利益他以清淨心方便得說若所喜聲即能得聞所不喜者便不復聞若於大衆為諸衆生演說法時隨其耳識所解所受是菩薩天耳悉得聞知若說法時或有衆生

解脫者得聞法不解悟者則便

應解悟者便得聞法不解悟者則便
不聞是菩薩耳界其性清淨知見我
人衆生悉清淨故是菩薩正分別耳
界如言語文字所說之相若有五趣
雜類衆生隨其所解言語音聲而為
說法持是天耳迴向如來所得耳界
不求餘乘故舍利弗是名菩薩天耳
神通而不可盡

復次舍利弗菩薩知他心通亦不可
盡云何菩薩知他心通若諸衆生上
中下心菩薩悉知是衆生因施根
心相知是衆生因戒根心相知是衆
生因忍根心相知是衆生因進根心
相知是衆生因定根心相知是衆生
因智根心相知是衆生因慈悲喜捨根
心相知是衆生因聲聞緣覺大乘根
心相知是衆生因力增上善根具足
知是衆生因行增上善根故得生此
知是衆生其行清淨心不清淨知是
衆生其行不淨而心清淨知是衆生
心行俱淨知是衆生行之與心二俱
不淨知是衆生過去世心諸根行因
知是衆生隨緣悟法是名菩薩知他

心知又復知他未來世心知是衆生

心知又復知他未來世心知是衆生
未來世中有持戒因現在世中有布
施因知是衆生未來世中有忍辱因
現在世中有持戒因知是衆生未來
世中有精進因現在世中有忍辱因
知是衆生未來世中有禪定因現在
世中有精進因知是衆生未來世中
有智慧因現在世中行俗心因知是
衆生未來世中發大乘因現在世中
有下根因未來世中發上等諸因
諸緣是諸因緣能如實知是菩薩於
未來受化衆生終不疲厭如其心根
如實能知隨其器量而為說法若樂
少聞則不多說說必有益功不唐捐
是名菩薩知他心智若現在世衆生
所行心心數法悉如實知所謂欲心
如實知欲心離欲心如實知離欲心
患心如實知患心離患心如實知離
患心癡心如實知癡心離癡心如實
知離癡心散心如實知散心攝心如
實知攝心慳急心如實知慳急心精
進心如實知精進心下心如實知下
心上心如實知上心亂心如實知亂

心定心如實知定心解脫心如實

心定心如實知定心解脫心如實
知無解脫心有解脫心如實知有解
脫心無寂靜心如實知無寂靜心有
寂靜心如實知有寂靜心量心如實
知量心無量心如實知无量心一一
衆生一一煩惱纏覆心者一切皆知
如是知已如其出道而為說法又是
菩薩所住之處先觀衆生知其根量
隨而為說出要之法是諸衆生上中
下根悉如實知是菩薩心知他心時
無有障尋何以故是菩薩心知他心
善分別故念意進慧之所知故善能解
了菩提相故斷諸習氣故清淨無垢
故明了無諍故無諸煩惱故無有潤
流故照一切法故善入一切衆生心
故能如是解是名菩薩心知他心利
如是法正入知者是名菩薩他心智
通而不可盡
復次舍利弗菩薩宿命智通亦不可
盡云何菩薩宿命智通是菩薩念宿
命事若自若他善受憶持安住法界
無有傾動無傾動者能善解了善作
業故是念無惱安生禪定故是念无

善智慈故是念不從他求現得
善知故是念正憶畢竟不失故是念
助功德善解大衆故是念切智不從
他具足故是念善根諸波羅蜜具足
能到一切佛法故是宿命智若念一
生二生三生四生五生十生二十生
三十生五十生乃至百生千生百千
生無量百生無量千生無量百千生
及天地成壞无量成世無量壞世無
量成壞世無量成壞劫知諸衆生於
是中生如是種性如是名字如是色
像如是飲食如是壽命受苦樂等於
是中死還是中生於彼中死還彼中
生是菩薩念如是等無量生死自命
宿世及他衆生盡過去際是菩薩念
自善根迴向阿耨多羅三藐三菩提
念他善根願令發阿耨多羅三藐三
菩提心是菩薩以正念心於本生死
行苦善觀無常苦無我若觀無常苦
無我者於諸色欲封祿壽命眷屬自
在悉無貪著亦復不貪釋梵設世轉
輪聖王及受生處五欲歡樂為化衆
生故現受生是菩薩念於無常苦元

我已過去微行發露懺悔現世諸惡
乃至失命終不為之過去善根欲令
增廣迴向阿耨多羅三藐三菩提現
在善根與衆生共迴向阿耨多羅三
藐三菩提是菩薩離諸惡願不斷三寶
種故所有善根悉已迴向阿耨多羅
三藐三菩提舍利弗是名菩薩念宿
命智而不可盡

復次舍利弗菩薩摩訶薩如意神通
亦不可盡云何菩薩如意神通若欲
進心慧所攝諸法調伏柔和心得自
在善修集故現在能得是如意通是
菩薩作種種神通變化以是神通為
化衆生是菩薩一一示現種種神通
教化衆生所謂若色相若力勢若變
化是菩薩亦種種色相令衆生見見
已心伏所謂若佛色像若緣覺色像
若聲聞色像若釋梵護世轉輪聖王
色像及餘種種無量色像乃至示現
畜生色像化衆生故作是示現亦現
是已隨其所應而為說法若有衆生
自謂已身有大勢力而起憍慢瞋恚
貢高菩薩欲為調伏如是諸衆生故

示現大力所謂示現那羅延力四分
之一或四分之一或四分之一或全
示現須彌山王高十六萬八千由旬
縱廣八萬四千由旬以三指舉擲置
他方無量世界譬如擲一阿摩勒果
於菩薩力而無損減斷取三千大千
世界下盡水際以手舉之高至有頂
住經一劫菩薩成就示現如是大勢
力時能令如是瞋恚憍慢貢高衆生
內善調伏知調伏已然後隨應而為說
法是菩薩修如意通能得智慧變化
勢力以變化力諸所欲作悉得成就
能變大海以為牛跡大海不小又變
牛跡以為大海牛跡不大若劫欲盡
火災起時欲變為水如意能變水災
起時能變為火風災起時能變為火
火災起時能變為風風災起時能變
為水水災起時能變為風如是變化
皆悉成就若上中下法隨意變化唯
除諸佛更無有人能移動留留破壞
菩薩如意神通所謂釋梵天王魔王
波旬及其眷屬是菩薩作種種變化
示諸衆生令歡喜已然後隨意而為

無量壽菩薩經卷第四 第三十

說法是菩薩神通勇健自在能過諸魔煩惱境界入於佛界不惱衆生所有善報皆悉成就一切魔衆無能斷者舍利弗是名菩薩如意神通而不可盡

復次舍利弗菩薩四攝亦不可盡云何爲四一者布施二者愛語三者利行四者同利云何爲布施施有二種財施法施云何愛語於求財人及聽法者柔和與語云何利行於求財人及聽法者隨其所求悉令滿足云何同利求財法者以大乘已利令彼安止又復施者見諸乞求心生清淨愛語者於諸乞士心生歡喜利行者於諸乞士隨其所利而令具足同利者常以大乘勸誨衆生復次施者所謂捨心愛語者行無有限利行者畢竟不憚同利者迴向大乘復次施者起慈行捨愛語者不捨喜心利行者大悲莊嚴利於衆生同利者捨所高下發心迴向一切種智復次施者如法求財清淨行施愛語者好導受者安止善法利行者說於已利以利益他同

無量壽菩薩經卷第四 第三十一

利者令諸衆生發一切智心復次施者捨於內外愛語者功德智慧心無吝惜利行者捨自利行而行利他同利者棄捨重位心初無悔復次法施者如所聞法悉能演說愛語者不爲利養而演法利行者誨他誦誦心無疲厭同利者一切智心所得妙法即以此法勸勵衆生復次施者若有衆生一一聽法次第爲說而無錯謬愛語者爲人演法不辭遠近利行者有求法人供給衣服飲食卧具病瘦醫藥令無所乏即施所安然後隨應而爲演說同利者凡所講說常勸衆生迴向阿耨多羅三藐三菩提復次法施者於諸施中知其軍勝以此勝法爲人演說愛語者常爲利益衆生故說利行者隨義而說不隨文字同利者常爲具足佛法故說復次施者具足檀波羅蜜愛語者具足尸羅羼提波羅蜜利行者具足毗梨耶波羅蜜同利者具足禪那般若波羅蜜復次施者初發菩提愛語者修行菩提利行者不退菩提同利者一生補處復次

利者令諸衆生發一切智心復次施者捨於內外愛語者功德智慧心無吝惜利行者捨自利行而行利他同利者棄捨重位心初無悔復次法施者如所聞法悉能演說愛語者不爲利養而演法利行者誨他誦誦心無疲厭同利者一切智心所得妙法即以此法勸勵衆生復次施者若有衆生一一聽法次第爲說而無錯謬愛語者爲人演法不辭遠近利行者有求法人供給衣服飲食卧具病瘦醫藥令無所乏即施所安然後隨應而爲演說同利者凡所講說常勸衆生迴向阿耨多羅三藐三菩提復次法施者於諸施中知其軍勝以此勝法爲人演說愛語者常爲利益衆生故說利行者隨義而說不隨文字同利者常爲具足佛法故說復次施者具足檀波羅蜜愛語者具足尸羅羼提波羅蜜利行者具足毗梨耶波羅蜜同利者具足禪那般若波羅蜜復次施者初發菩提愛語者修行菩提利行者不退菩提同利者一生補處復次

無量壽菩薩經卷第四 第三十二

施者安住菩提種子根本愛語者滋長菩提芽並枝葉利行者漸已開敷生菩提華同利者已能成熟菩提果實舍利弗是名菩薩以四攝法攝取衆生而不可盡

無盡意菩薩經卷第四

已亥歲高麗國大藏都監奉

勅彫造

無盡意菩薩經卷第五

罪

宋涼州沙門智嚴共寶季譯

復次舍利弗菩薩摩訶薩四無尋智亦不可盡云何為四一者義無尋二者法無尋三者辨無尋四者樂說無尋云何義無尋於諸法中知第一義是比智是因智是緣智是和合智是不墮邊智是不住中智是十二因緣智是不異法性智是如實智是真際智是覺空空智是無相相智是無願願智是無為為智是觀一相智是觀無我智是觀無眾生智是觀元命智是觀無我第一義智是觀過去無量尋智是觀未來有邊智是觀現在一切種智是觀諸陰如忤賊智是觀諸界如毒蛇智是觀諸入如空聚智是觀內法永寂滅智是觀外法無行處智是觀所緣如幻化智是觀念正住智是觀忍正法智是觀自身智是觀了諸諦智是苦不和合智是集不作智是滅自性智是道能到智是分別諸法智是觀眾生諸根心行隨所入

智是諸力無能伏智是諸覺如實解智是禪定受持智是慧光明智是幻化莊嚴智是熱時炎迷惑智是夢中所欲智是響所緣智是鏡中像無去來智是種種相無相智是抗離抗智是取生離生智是聲聞乘從他聞智是緣覺乘觀十二緣智是大乘具足一切善根智舍利弗是名菩薩義無尋智又復義無尋者思一切法義何以故是一切法無我眾生無命無人如無我眾生無命無人即名為義如命義者色等諸法亦復如是是名義無尋又復義無尋者是無住說是無盡說是得一切法說如是義無尋者諸佛所許是真實義無別無異智慧分別無有障礙是名菩薩義無尋智舍利弗云何菩薩法無尋智若觀諸法所謂善法不善法世法出世法可作法不可作法有漏法無漏法有為法無為法黑法白法生死法涅槃法是法性平等是智菩提平等是智性平等是名法無尋智又復法無尋者觀於眾生多欲心行少欲心行初發

欲心行欲相心行現在所緣欲心行現在因緣欲心行有眾生內有欲行外無欲行外有欲行內無欲行有內外欲行有內外無欲行有色欲行非聲香味觸有聲欲行非色香味觸有香欲行非色聲香味觸有味欲行非色聲香觸有觸欲行非色聲香味入如是觀眾生諸欲行門行欲行者二萬一千行志行者二萬一千行癡行者二萬一千行等分行者二萬一千行觀如是眾生八萬四千心之所行如實而知隨其所應而為說法舍利弗是名菩薩法無尋智舍利弗云何菩薩辭無尋智於諸音聲悉觀了知所謂天龍鬼神乾闥婆阿修羅迦樓羅緊那羅摩睺羅伽人非人等如是言語文字音聲悉皆能知如是五道雜類眾生隨其種類一一音聲語言文字而為說法是名辭無尋智如是語法文字思惟覺了無尋是菩薩知一語二語三語乃至多語男語女語非男女語過去語未來語現在語知積一字至多字語是名辭無尋智是辭無

尋智說時無諍无有滯碍妙語通暢

所言審諦正直無廣所有文辭具足

莊嚴大衆聞者无不歡喜如是種種微

妙音聲深遠廣普莊嚴俗諦第一義

諦以智慧箭善射邪見是辯無尋諸

佛所許能令衆生皆得歡喜舍利弗

是名菩薩辯無尋智而不可盡舍利

弗云何菩薩樂說無尋智不可窮盡

所說無尋智所說不住所說速疾所說

捷利如所問答無罣碍答無違逆答

是相應答住忍力答依二諦答依施

戒忍進定慧答依一切法章句而答

依於念處正勤如意根力覺道甚深

義答依寂滅思惟答所謂樂說无尋

智者若一切言語文字口所分別正

直而答所謂一切禪定三摩拔提真

諦智答辯暢三乘隨諸衆生一切心

行如應而答所言巧妙非如呿羊強

梁惡卒暴戲如是之語悉無復有所

宣寂滅人所受用威德之言无諸纏縛

相應無違微妙柔軟無可譏訶聖人

所讚如佛世尊所教誨語梵音清徹

一切悲聞是樂說無尋智諸佛所許

一切悲聞是樂說無尋智諸佛所許

為他衆生說微妙法開是法者得出

世樂滅盡諸苦是名樂說無尋智也

舍利弗是名菩薩摩訶薩四無尋智

而不可盡

復次舍利弗菩薩摩訶薩有四種依

法亦不可盡何等為四依義不依語

依智不依識依了義經不依不了義

經依法不依人云何依義不依語語者

若入世法而有所說義者解出世法

無文字相語者若說布施調伏擁護

義者知施戒忍入於平等語者稱說

生死義者知生死無性語者說涅槃

味義者知涅槃無性語者若說諸乘

隨所安止義者善知諸乘入一相智

門語者若說諸捨義者三種清淨語

者說身口意受持淨戒功德威儀義者

了身口意皆無所作而能護持一切

淨戒語者若說忍辱斷除忿怒貢高

憍慢義者了達諸法得無生忍語者

若說勤行一切善根義者安住精進

無有終始語者若說諸禪解脫三昧

三摩跋提義者知滅盡定語者悉能

聞持一切文字智慧根本義者知是

慧義不可宣說語者說三十七助道

之法義者正知修行諸助道法能證

於果語者說苦集道諦義者證於滅

諦語者說無明根本乃至生緣老死

義者知無明滅乃至老死滅語者說

助定慧法義者明解脫智語者說貪

患癡義者解不善根即是解脫智語

者說障導法義者得無尋解脫語者

稱說三寶無量功德義者三寶功德

離欲法性同无為相語者說從發心至

坐道場修集莊嚴菩薩功德義者以

一念慧覺一切法舍利弗舉要言之能

說八万四千法聚是名為語知諸文

字不可宣說是名為義云何依智不

依於識識者四識住處何等四色識

住處受想行識住處智者解了四識

性無所住識者若識地大水火風大

智者識住四大法性無別識者眼識

色住耳鼻舌身意識法住智者內性

寂滅外無所行了知諸法無有憶想

識者專取所緣思惟分別智者心無

所緣不取相與於諸法中無所怖求

識者行有為法智者知無為法識元

所行無為法性元有識知識者生住
滅相智者無生住滅相舍利弗是名
依智不依於識云何依了義經不依
不了義經不了義經者分別隨道了
義經者不分別果不了義經者所作
行業信有果報了義經者盡諸煩惱
不了義經者呵諸煩惱了義經者讚
白淨法不了義經者說生死苦惱了
義經者生死涅槃一相無二不了義
經者讚說種種莊嚴文字了義經者
說甚深經難持難了不了義經者多
為眾生說罪福相令聞法者心生欣
厭了義經者凡所演說必令聽者心
得調伏不了義經者若說我人眾生
壽命養育士夫作者受者種種文辭
諸法無有施者受者而為他說有施
有受了義經者說空無相願无作無
生無有我人眾生壽命養育士夫作
者受者常說無量諸解脫門是名依
了義經不依不了義經云何依法不
依於人者攝取人見作者受者法
者解無人見作者受者人者凡夫善
人信行人法行人八人須陀洹人斯

陀舍人阿那含人阿羅漢人辟支佛
人菩薩人一人出世多所利益多人
受樂憐愍世間生大悲心於人天中
多所饒潤所謂佛世尊如是等名佛
依世諦為化眾生故作是說若有攝
取如是見者是謂依人如來為化攝
人見者故說依法不依於人是法性
者不變不易無作非作无住不住一
切平等亦平等亦平等者亦復平
等無因无緣得正決定於一切法無
別無異性相无尋猶如虛空是名法
性若有依止是法性者終不復離一
相之法入是門者觀一切法同一法
性是故說言依一切法不依於人舍
利弗是名菩薩摩訶薩四依無盡
復次舍利弗菩薩摩訶薩修集助道
功德智慧亦不可盡云何修集功德无
盡若布施持戒心所修集發行慈悲
自所有罪發露懺悔亦代眾生發露
懺悔已行懺悔次當隨喜一切眾生
學無學人及辟支佛發心菩薩已習
行者堅住不退一生補處如是諸人
於三世中所集功德當以一心隨其

歡喜復於過去未來現在諸佛世尊
所有善根生隨喜心是隨喜菩薩志
當成就如是功德隨喜已訖次當勸
請十方世界一切諸佛始成道者請
轉法輪示涅槃者常住於世及請一
切菩薩聖人常為眾生住世說法如
是善根如善根想慈以迴向無上菩
提是菩薩未發心者勸令發心已發
心者為說諸度有貧窮者救攝以財
病施醫藥隨時瞻療無勢力者勸行
忍辱有犯禁者令不覆藏已覆藏者
勸令發露現在諸佛及涅槃者慈皆
發心供養恭敬敬重師長如佛世尊
若求法時沒命不慙於此法實生無
價想於說法者生諸佛想為聽法故
過百由旬心方勇悅無疲勞想凡所
講說不為利養於父母所知恩報恩
供養給事心初無悔所作功德常無
厭足護身口意令無諂曲建立佛塔
所得功德等於梵天勸請之福具足
諸相開門大施放得隨形好修諸善
故莊嚴身者無憍憍故莊嚴口者離
口過故莊嚴意者不住法故莊嚴佛

上者神通教化故莊嚴法者離諸欲
故莊嚴大眾者不兩舌惡口破壞他
故於受法者如實說故說法歡喜稱
讚善哉所作功業不唐捐故離覆蓋
者故往聽法故莊嚴菩提樹者以妙
園林奉施佛故莊嚴道場者成就一
切諸善根故出生清淨者不為煩惱
所染汙故得寶手者能捨一切所重
物故得無盡者无量寶藏以布施故
見者歡喜常和悅故體得法性者心
慧光明等照眾生故莊嚴光明者不
輕末學善誘導故生生清淨者持戒
功德悉成就故嚴胎清淨者不見他
罪故生人天者淨行十善故慧明獨
步者所可教化不生分別故於法自
在者所受重法無恡惜故世中獨勝
者畢竟清淨故微妙解脫者不求少
分行故行一切功德者不捨一切智
心故七財滿具者信為根本故攝取
正法者不惜身命故不誑世間者具
本誓願故具足一切佛法者諸善根
本本已行故舍利弗是名略說菩薩
功德若廣說者若經一劫若過一劫

不可得盡云何菩薩智慧無盡若一
一因聞說智慧若一一緣得於智慧
云何為因內增上欲云何為緣外勤
求法如是因緣依佛智慧非聲聞緣
覺智慧親近智者心無憍慢常於其
人起世尊想是諸智者知及法人心
已柔和為說智慧必令依止隨其正
器說無染法聽法之人於是法中勤
修聚集助法精進是為智慧云何菩
薩助法精進若無希求簡絕事務省
少語言於諸所欲心常知足初夜後
夜咸損睡眠凡所聞義能善思惟籌
量分別數求善法心無愛濁除諸陰
蓋元有障礙所犯過失尋能除滅正
行堅固趣向傾仰尊敬法行具精進
行求法不憚如救頭然無有我行不
遲緩行不捨本行心增上行呵眾開
行慶樂獨行向阿蘭若處思惟行聖
種知足行不動頭隨行欣樂法行不
思惟世間言語行求出世間法行不
正念行發諸法義行直正道行知終
持持行慚愧莊嚴行智慧堅牢行除
無明網結繫縛淨慧眼行善覺了行

廣覺了行不減覺行分析覺行現在
知行不徒他功德行不自恃功德行
讚歎他人諸功德行善修作業行因
果不動行知清淨業行舍利弗是名
助法精進
復次舍利弗菩薩摩訶薩有四種施
具足智慧何等為四一者以香筆墨
施與法師令寫經二者種種校飭莊
嚴妙座以施法師三者以諸所須供
養之具奉上法師四者無曲曲心讚
歎法師舍利弗是名菩薩四種布施
具足智慧菩薩復有四持禁戒具足
智慧何等為四一者持戒常演說法
二者持戒常勤求法三者持戒正分
別法四者持戒迴向菩提是名菩薩
四種持戒具足智慧菩薩復有四種
忍辱具足智慧何等為四一者於求
法時忍他惡罵二者於求法時不避
飢渴寒熱風雨三者於求法時隨順
和上阿闍梨行四者於求法時能忍
空无相無願舍利弗是名菩薩四種
忍辱具足智慧菩薩復次有四種精
進具足智慧何等為四一者勤於多

問二者勤於持三者勤於樂說四者勤於正行舍利弗是名菩薩四種精進具足智慧菩薩復有四種禪定具足智慧何等為四一者常樂獨處二者常樂一心三者求禪及通四者求無尋解智舍利弗是名菩薩四種禪定具足智慧菩薩復有四種智慧具足智慧何等為四一者不住斷見二者不入常見三者了十二緣四者忍無我行舍利弗是名菩薩修行四智慧具足智慧菩薩復有四種護法具足智慧何等為四一者擁護法師如已君主二者護諸善根三者將護世間四者護利益他舍利弗是名菩薩四擁護法具足智慧菩薩復有四種說法具足智慧何等為四一者說法滿足二者智慧滿足三者利養滿足四者說法滿足舍利弗是名菩薩四滿足法具足智慧菩薩復有四具足智慧何等為四一者精進力求於多聞得解脫故二者念力菩提之心不忘失故三者定力等無分別故四者慧力修多聞故是名四力具足智

慧復有四方便具足智慧何等為四一者隨世所行二者隨眾生行三者隨諸法行四者隨智慧行是名四方便具足智慧菩薩復有四道具足智慧何等為四一者諸波羅蜜道二者助菩提道三者行八聖道四者求一切智慧道是名四道具足智慧菩薩復有四無厭足行具足智慧何等為四一者樂於多聞無有厭足二者樂於說法無有厭足三者行慧無厭足四者行智無厭足是名菩薩四無厭足具足智慧

復次助智慧者隨一切眾生心行隨一切法行隨布施隨持戒忍辱精進禪定智慧行隨慈悲喜捨行得具智慧何以故如諸菩薩所發起行皆以智慧而為根本智慧成已還依止智是菩薩安住於智依一切智諸魔眷屬不能留難是故能得具一切智舍利弗是名菩薩助智無盡復次舍利弗菩薩摩訶薩四念處亦不可盡是菩薩觀身修身行見過去未來現在諸身顛倒和合如外草木牆壁瓦

石從因緣有不可長養無所繫屬此身如是從因緣生不可長養無所繫屬是陰界入中我我所空常無常空是身無我無有我所以身不堅不可依怙當求菩提正覺之身云何菩提正覺之身所謂法身金剛之身不可壞身堅牢身出三界身我身雖有元量過患願當除滅成如來身是菩薩所以堪忍久處四大諸結熾然皆為利益諸眾生故如外四大地水火風種種門種種所作種種形貌種種器物種種所用皆為利益一切眾生我今此身為利眾生亦復如是菩薩摩訶薩見如是利益已觀身眾苦不生厭離觀身無常不厭生死觀身无我不捨教化觀身寂滅不墮於捨是菩薩觀內身時不生煩惱觀於外身亦復如是菩薩離黑汙身成白淨身業具足妙相以自在嚴於天人中多所利益是名菩薩觀身修身行云何菩薩觀受修受行菩薩如是思惟諸受一切皆苦善分別受智慧籌量知受寂滅若受樂時不貪所欲若受苦時

無量壽菩薩經第三卷 第十六

觀三惡道起大悲心不生瞋恚若受不苦不樂時不起愚癡是苦薩正念受處如其所受若苦若樂不苦不樂於是諸受知出知修觀衆生受寂滅莊嚴是諸衆生於諸受中不知出修若受樂時生於貪著若受苦時便生瞋恚若受不苦不樂時便生愚癡我今要當進修智慧除一切受發諸善根起大悲心攝取智慧亦為衆生降斷諸受而為說法未解受者受苦解受者受樂未何解受者所謂无受者無我人衆生壽命養育士夫除攝取受者攝者受取者受受者受有者受轉倒者受分別者受諸見者受眼相者受耳鼻舌身意相者受色想者受聲香味觸法想者受眼綠色生觸受苦受樂受不苦不樂受耳聲鼻舌香味身觸心緣法生觸受苦受樂受不苦不樂是名為受復有一受心意覺了復有二受內受外受復有三受過去未來現在受復有四受覺了四大復有五受思惟五陰復有六受分別六入復有七受七識住處復有八受八

無量壽菩薩經第三卷 第十七

邪法也復有九受九衆生居處復有十受十不善法舍利弗舉要言之无量衆生諸受思惟所緣境界一切名受菩薩於中修受觀行起大智慧知諸衆生善不善受生住滅相舍利弗是名菩薩正受念處而不可盡云何菩薩觀心念處苦提之心不忘不失正念不亂如是觀心心生已滅無有住相不於內住不從外來我初所發菩提心者是心已盡過去變異不至方所不可宣說無有住處若心所集諸善根等亦是過去盡滅變異不至方所不可宣說無有住處若心善根迴向阿耨多羅三藐三菩提是亦滅盡變異之法不至方所不可宣說无有住處心不知心心不見心心不生心我以何心成阿耨多羅三藐三菩提是苦提心不與善根心合善根心不與迴向心合迴向心不與善提心合若苦薩作是觀時不驚不怖是名菩薩勤精進也又復思惟觀察甚深十二因緣不失因果如是心性屬衆因緣不可長養無作无繫一切諸法亦

無量壽菩薩經第三卷 第十八

復如是如法修行如所莊嚴我今當勤修其莊嚴不離心性云何心性云何莊嚴心性者猶如幻化無生无作無有施設莊嚴者所作布施以迴向嚴淨佛土心性者如夢所見心相寂滅莊嚴者具足持戒修集諸通心性者如鏡中像其相清淨莊嚴者所修忍辱慈以迴向無生法忍心性者如熱時焰究竟寂滅莊嚴者於一切善深發精進迴向具足無上佛法心性者無色無對无所為作莊嚴者一切所修禪定解脫三摩跋提迴向具足佛之禪定心性者不可得見亦不可取莊嚴者於一切問難善能分別迴向具足佛之智慧心性者无緣不生莊嚴者常觀善根心性者無因不生莊嚴者因助菩提而發趣心心性者捨離六塵心則無起莊嚴者入佛境界如是菩薩觀是心行繫念神通得神通已能知一切衆生諸心既知心已如其心量而為說法又觀心行繫念大悲教化衆生無有厭倦又觀心行不起盡滅變異之相不捨生死相續煩

憊正念是心知無生起成正決定如是行者不墮聲聞辟支佛地極是心勢以一念智成阿耨多羅三藐三菩提舍利弗是名菩薩正心念處而不可盡舍利弗云何菩薩觀法念處常以慧眼見一切法至坐道場未曾中失是菩薩當觀法時不見一法乃至微相離空無相无願無作无生無滅無物亦不見一法乃至微相不入十二緣者菩薩觀法見諸非法無不是法云何為法謂無我義无眾生義無壽命義無人義是名為法云何非法謂我見眾生見壽命見人見斷見常見有見無見是名非法復次一切法是法一切法是非法何以故觀空無相无願是名一切法是法我憊憊我及我所攝取諸見是名一切法非法是菩薩觀法時不見有法非法菩提因出世道因是菩薩知一切法悉是出世得無尋大悲觀一切法煩惱結縛如幻化相知是諸法非有煩惱非元煩惱何以故了諸法義无有二性是諸煩惱無隱處無有聚集若解煩

憊即解菩提煩惱性即菩提性是菩薩安住正念無有一法可作分別無諸障尋善能解了正住法性如住法性即住眾生性如住眾生性即住虛空性如住虛空性即住一切法性菩薩觀法時依於佛法解一切法即是佛法其心念時不生盡智無為雖盡而亦不盡入無生智亦觀眾生不捨假名法念處者安住正念一切諸法所謂聲聞緣覺菩薩正覺所知一切假名諸法盡未來際終不忘失入法念處者說無量行親近佛法壞諸魔眾得自然智舍利弗是名菩薩正法念處而不可盡

無盡意菩薩經卷第五

已亥歲高麗國大藏都監奉勅彫造

無盡意菩薩經卷第六

罪

宋涼州沙門智嚴共實雲譯

復次舍利弗菩薩摩訶薩四正勤亦不可盡何等為四若未生惡不善法為不生故生欲勤進攝心正除已生惡不善法為斷故生欲勤進攝心正除未生善法為生故生欲勤進攝心正除已生善法安住修集為增廣不失故生欲勤進攝心正除未生惡不善法為不生故生欲勤進所謂欲者善思惟也勤精進者不捨善思惟也攝心正除者正觀善思惟也何以故善思惟時惡不善法不令入心云何惡不善法惡不善法非戒聚伴非禪定伴非智慧伴云何非戒聚伴若破重戒及毀餘戒是名非戒聚伴云何非定聚伴若毀威儀及餘亂心法是名非定聚伴云何非智慧伴若攝取諸見及餘見障尋是非智慧伴是名惡不善法善思惟時如是等惡法不令入心是名初正勤已生惡不善法為斷故生欲勤進攝心正除如上所說惡不善法心不聚集無有方所无

有住處是不善法心行斷故已覺了覺了
故從緣生故淨故生欲導故生慧無
明緣故生於愚癡是善思惟觀不淨
時滅於欲心修集慈心滅於瞋恚觀
十二因緣滅於愚癡如是煩惱永寂
滅者即是除斷一切假名亦復不見
有可斷者是名第二正勤未生善法
為生故生欲勤進攝心正除是諸善
法說有無量何以故无量善法菩薩
修集於是法中欲為根本勤進修集
攝心者出過善法正除者在在處處
常在善法是名第三正勤已生善法
安住修集為增廣不失故攝心正住
是諸善根悉已迴向阿耨多羅三藐
三菩提何以故善根迴向無上菩提
者則不可盡所以者何如是善根不
依三界若依三界是則損耗是故迴
向一切種智諸善根等不可得盡是
名第四正勤舍利弗是名菩薩修四
正勤不可窮盡

復次舍利弗菩薩摩訶薩四如意分
亦不可盡何等為四欲進心思惟如是
四法以慈悲喜捨而為根本是四無
量心常親近善親近故心得調柔心
調柔故得入初禪第二禪第三禪第
四禪入諸禪故身行輕軟成就如是
身輕心柔入如意分善入如意分已
即生神通若欲若進若心若思惟欲
者專向彼法精進者成就彼法心者
觀察彼法思惟者彼法方便是如意
分已具足故能得神通欲者莊嚴進
者成就心者正住思惟者能善分別
是菩薩得如意分隨其所解如其所
作心得自在隨意所往善作諸業畢
竟成就一切本行如風行空無所罣
尋舍利弗是名菩薩四如意分不可
窮盡

復次舍利弗菩薩摩訶薩五根亦不
可盡何等為五信根進根念根定根
慧根云何信根信於四法何等四於
生死中行世正見信於業報乃至失
命終不作惡信菩薩行不隨諸見專
求菩提不求餘乘信解諸法同空無
相无願之法同第一義同於了義甚
深因緣無我衆生無有分別信一切
佛十力四無所畏十八不共法如是
信已消除疑網修集佛法是名信根
何等進根若法信根所攝是法即為
進根所修是名進根云何念根若法
進根所修是法終不忘失是名念根
云何定根若法念根所攝是法不忘
不失一心不乱是名定根云何慧根
若法定根所攝是慧所觀是慧體性
內自照了不從他知自住正行是名
慧根是五根者共相續生具一切法
得受記別辟如外道五通神仙不能
定知胎中差別男女相現然後乃知
多有菩薩無信等根諸佛世尊不為
授記若成就者便與授記舍利弗是
名菩薩五根無盡復次舍利弗菩薩
五力亦不可盡何等為五信力進力
念力定力慧力云何信力是信一向
不可沮壞乃至天魔變為佛身示現
出入禪定解脫不能傾動菩薩信力
是名信力云何進力菩薩精進於諸
善法得堅固力如所得力修諸禪
定諸天及人所不能壞如本所願皆
悉成就就是名進力云何念力菩薩住
諸善法不為煩惱之所破壞何以故是

菩薩正念之力能摧伏故如是念力
無能壞者是名念力云何定力遠離
憒鬧常樂獨行是菩薩雖有所說言
語音聲不尋初禪善住覺觀不尋二
禪心生歡喜不尋三禪菩薩樂化
衆生不捨佛法而亦不尋於第四禪
是善行四禪時諸妨定法無能為也
菩薩小時不捨於定亦不隨定而能
自在處處往生是名定力云何慧力
是菩薩知世間法出世間法元有一
法能壞是智菩薩在在所生之處一
切伎藝不從師受悉自然知世間外
道苦行難行是菩薩為教化故亦悉
現受同其所行是出世法能過世者
慧力成就故諸天及人所不能伏是
名慧力舍利弗是名菩薩五力元盡
復次舍利弗菩薩摩訶薩七覺分亦
不可盡何等為七念覺分擇法覺分
精進覺分喜覺分除覺分定覺分捨
覺分云何念覺分若念覺分能觀於
法能分別法撰集思智亦能觀察諸
法自相何等為自相觀一切法自性
皆空念如是等今其覺了是名念覺

分云何擇法覺分若能分別曉了八
萬四千法聚如所了法了義是了義
不了義是不了義世諦是世諦第一
義諦是第一義諦假名是假名正了
無疑是正了无疑如是等法分別選
擇是名擇法覺分云何進覺分若念
法擇法喜法除法定法捨法以智攝
取精進勇猛欲不退轉勤修力勵不
捨本意行於正道是名進覺分云何
喜覺分所修法喜於無量法心生悅
豫無有慚息清淨樂法是喜踊躍能
除身心捨諸煩惱是名喜覺分云何
除覺分若除身心及諸煩惱離於覆
蓋入定境界令心正住是名除覺分
云何定覺分如所入定慧能覺了非
不入定是覺了法又了諸見煩惱結
縛無始元終其心平等一切諸法无
別異相能覺如是諸法等者是名定
覺分云何捨覺分若法憂喜其心不
沒亦復不為世法所牽無高无下正
住不動無有諸漏无喜無著無諸障
碍正真隨順真諦正道是名捨覺分
舍利弗是名菩薩七覺分亦不可盡

復次舍利弗菩薩摩訶薩八聖道分亦不可盡何等為八正見正思惟正語正業正命正精進正念正定云何正見若見出世不起我見衆生壽命養育士夫斷見常見有見无見亦復不起善以不善無記等見乃至不起生死涅槃二相之見是名正見云何正思惟若思能起貪欲瞋癡諸煩惱等是不名正是正思惟不思不起如是等事唯思戒定智慧解脫解脫知見是正思惟能思如是住戒等聚如是思惟名正思惟云何正語凡所演說不令其身而有煩惱亦不損他成就如是善妙好語趣入正道是名正語云何正業若業黑有黑報白有白報黑白有黑白報終不敢作若業非黑非白有非黑非白報若業能盡業是業必作是菩薩所依止云勤修如是諸正業等是名正業云何正命若不捨聖種頭陀威儀不動不轉无諸奸諂不為世間利養所牽易養易滿常自堅持威儀禮節見他得利心不生熱於已利養常知止足如是正行

聖人所讚是名正命云何正進若進

向邪非聖所讚所謂貪婬瞋恚愚癡

煩惱是不正精進終不為之若法能入

正諦聖道寂滅涅槃攀緣正路是正

精進修進勤行是名正進云何正念

若念不失不動於法正直不曲見生

死過進向涅槃繫心不忘不失正道

是名正念云何正定若定不乱於一

切法是菩薩如是住時成正決定是

名正定菩薩住是三昧為一切衆生

得解脫故成正決定是名正定是八

聖道慈是過去未來現在諸佛之道

是菩薩覺了已演說開示分別顯現

成就佛道舍利弗是名菩薩八聖道

分亦不可盡

復次舍利弗菩薩摩訶薩修行定慧

亦不可盡云何為定若心寂滅至寂

靜寂滅不然心常不乱守護諸根不

動不轉元有卒暴安詳靜默堅持不

失善調柔軟獨處閑靜其身遠離心

不迴轉思樂空寂阿練若處元有惡

求亦無所求非有多求正命正行威

儀堅固知時隨時常知足足易養易

無量壽經卷第六 第九 罪

滿堪忍力故心無高下能忍惡罵發

心專向善法思惟樂思惟處及諸禪

支發起慈心入於悲心安住喜心善

修捨心正入初禪二禪三禪四禪空

處識處元所有處非有想非無想處

善能思惟九次第定是名為定舉要

言之菩薩助定無量无边勤行修集

是名菩薩定不可盡云何為慧是慧

修道入於諸法無我無人衆生壽命

如是智慧分別諸陰如幻如化諸界

平等入如空聚分別諸諦皆悉明了

隨順觀知十二因緣分別諸見因果

果證所謂分別者於一切法能得正

見如實而見真見空見無相願見又

元分別故分別所謂見者亦无所見無

所別知如是見者為真實見見真實

者即得方便是菩薩如是慧見不隨

無為修行諸善心無所住是名為慧

舍利弗是名菩薩修行定慧而不可

盡復次舍利弗菩薩摩訶薩持辨

才亦不可盡云何持持所修善根正

念積集所有八万四千法聚能正受

經教意旨菩薩經第六 第十 罪

一切佛所說妙法一切菩薩緣覺聲

聞凡夫衆生音聲善語慈能受持是

名持持設劫突起捨命餘生菩薩今

時正念持持不忘不失如觀掌中阿

摩勒果菩薩觀見一切諸法亦復如

是名持持云何辨才菩薩所說無

有滯導所說無住所說無斷所說通

利所說喜豫所說捷疾如是所說皆

是先業清淨果報諸佛護念諸天攝

受說無錯謬功不唐捐進向涅槃若

薩成就如是辨才所有色像及衆生

類辨才應機不豫思惟不豫分別善能

讚說契經偈頌若至大衆剎利衆婆

羅門衆長者衆沙門衆四天王衆三

十三天衆魔衆梵衆在在處處自然能

知衆生限量以無導辨而為說法是菩

薩如本意樂講宣法要終身不斷是

名辨才舍利弗是名菩薩持持辨才

亦不可盡舍利弗菩薩摩訶薩集

四法亦不可盡何等四是菩薩知一

切行無常一切行苦一切法無我一切法

寂滅涅槃云何無常義无所有是無常

義无所破壞是无常義是无常義者即

無我義若法无我無能壞者性寂滅故是名無常義云何苦義无所求故是苦義愛染盡故是苦義無所須故是苦義空无有故是苦義是名苦義云何無我義畢竟无我是无我義如無我義即是空義無所有義虛誑不實義是无我義云何寂滅涅槃義是寂滅義非念念滅如非念念滅即是寂滅苦薩得是无盡智慧知一切法相同於寂滅寂滅者即是涅槃是名寂滅涅槃義舍利弗是名菩薩撰集四法而不可盡

復次舍利弗菩薩摩訶薩一道亦不可盡云何一道菩薩所得真實智慧不從他聞又一道者菩薩獨一無有伴侶已於阿耨多羅三藐三菩提能大莊嚴以自力勢精進攝取畢竟自修不假他作自以因緣勇猛之力建立如是堅固莊嚴如諸衆生所作善業我亦如是應當作之及諸聖人從初發心所作諸行我亦當行施非我伴我是施伴戒忍精進禪定智慧非是我伴我是彼伴諸波羅蜜不能使

我而我能使諸波羅蜜一切善報皆亦如是如是等法雖非我伴我要當行不恃於他勇猛自力獨行無伴坐於道場金剛座處壞諸魔衆以一念慧成阿耨多羅三藐三菩提我當如是覺了分明舍利弗是名菩薩一道無盡

復次舍利弗菩薩摩訶薩所修方便亦不可盡云何方便見一切法是方便發起諸法是方便為菩薩使是方便畢竟分別是方便無有齊限是方便志意常求出世間之法是方便於布施時即能具足諸波羅蜜是方便持禁戒時在在處處自在往來是方便行忍辱時莊嚴自身及菩提道是方便行精進時心无所住是方便修禪定時無有退失是方便修智慧時不證无為是方便修慈心時慈無力勢是方便修悲心時不歇生死是方便修喜心時無樂處樂是方便修捨心時發心修集一切善報是方便修修天眼為欲成就諸佛眼放是方便修集天耳為欲成就諸佛耳故是方

便修他心智為得佛智知諸衆生根量深淺故是方便修宿命智為得佛智知於三世無量壽故是方便修集神通為得諸佛神通力是方便隨衆生心是方便既自曉了復了衆生是方便能自度已示現未度而方勤修求於度世是方便已離煩惱示有煩惱是方便已捨重擔示有重擔是方便能知根量說法是方便善能誘進鈍根衆生是方便知時非時是方便知可行道墮邪衆生安置正道是方便能令量作无量無量作量是方便令損壞者還復如本是方便示現勝他是方便示說涅槃有五欲樂是方便已得解脫示有繫縛是方便處在生死不墮生死是方便於諸威儀無所專當亦不退失是方便唯觀衆生不觀持戒及以毀戒是方便攝諸見緣不生諍競是方便慈是音聲假名无實是方便常行三界是方便得解脫相行是方便親近凡夫如親近聖人是方便不證涅槃常處生死是方便於魔行處顯大光明無有煩惱是方便

無量壽菩薩摩訶薩 第六卷 第五品

一切是一切非是方便舍利弗是名菩薩修行方便亦不可盡舍利弗是名菩薩摩訶薩八十無盡是八十無盡悲能含受一切佛法無盡意菩薩摩訶薩說是法門品時六十七百千衆生未發心者即發阿耨多羅三藐三菩提心五百二千菩薩摩訶薩得無生法忍今時大衆以種種華香種種華鬘種種華蓋供養如來及無盡意并是經典於上空中有無量天樂自然出聲作如是言諸佛世尊於無量劫所集阿耨多羅三藐三菩提無盡意菩薩今於是大乘經中已說其義若有聞是無盡法門信解受持讀誦解說當知是人則為具足是無盡法

今時世尊以覆肩衣與無盡意讚言善哉善哉大士快說是義非但我許十方諸佛亦復如是

今時無盡意菩薩摩訶薩兩手捧衣置自頂上而白佛言世尊諸天世人當視是衣過於塔想以是如來所受用故今時多有種種寶衣種種寶蓋種種寶幡種種寶樹種種寶鳥從十

無量壽菩薩摩訶薩 第六卷 第五品

方世界自然而來覆無盡意而為供養是時寶衣幡蓋樹鳥自然演出如是之言善哉善哉善男子善能說是無盡法門如汝所說我等所許

今時舍利弗白佛言世尊如是寶衣供養之具從何處來乃出是言佛告舍利弗是無盡意菩薩初發阿耨多羅三藐三菩提心時所化衆生皆於十方已成阿耨多羅三藐三菩提是彼諸佛正遍知等知恩報恩故遣是來播揚讚歎是無盡意真實功德并復供養所說經典

今時大衆於無盡意菩薩摩訶薩倍生恭敬尊重讚歎作如是言我等今者快得大利得見無盡意菩薩摩訶薩恭敬供養尊重讚歎并得聞是無盡法門若有直得聞無盡意菩薩名字亦得善利何況眼見兼聞是典

今時世尊於大衆中問是語已告舍利弗若有善男子善女人學菩薩道於一切中供養諸佛學戒威儀以堪忍力盡諸衆生生死苦際精勤修集如救頭然於諸禪定一心成就智慧方

無量壽菩薩摩訶薩 第六卷 第五品

便若離此經我說是人未能具足六波羅蜜舍利弗若有善男子善女人聞是經典信解受持讀誦解義如說修行我說是人已為具足諸波羅蜜速得成就阿耨多羅三藐三菩提何以故舍利弗若有菩薩受持此經為他演說即為具足檀那波羅蜜何以故於諸施中法施為勝初不忘失菩薩之心若持此經即是持戒故能具足尸羅波羅蜜何以故一切菩薩所學禁戒是經所攝若於此經能堪忍樂一切衆生所不能堪能於是中進修忍辱即為具足羼提波羅蜜若是經典勤行轉說身口意業精勤修集即為具足毗梨耶波羅蜜若於經其心寂滅元有散亂一心定意分別法相即為具足禪那波羅蜜若於此經自得現智不從他聞得正行智即為具足般若波羅蜜舍利弗若有菩薩勤學是經若欲具足諸波羅蜜則為不難舍利弗若有菩薩學習此經受持讀誦如說修行書寫經卷當知是人一切佛法已為在手四大

之性可變令異是菩薩心於阿耨多
羅三藐三菩提不可復轉舍利弗此
經者即是菩薩不退轉印是故菩
薩當求是印若有善男子善女人親
近是印者則為親近一切佛法
爾時四天王及其眷屬即從坐起合
掌向佛白佛言世尊我等四王是佛
弟子已得道迹若有善男子善女人
受持是經我等堪任為作衛護供給
侍使當於是人起如來想何以故是
經典中出諸乘故

爾時釋提桓因即從坐起合掌向佛
白佛言世尊我所從佛聞无量無邊
百千經典未曾得聞如是經典分別
深義世尊在在處處國土郡縣城邑
村落有說此經者我躬當與三十三
天故往聽受并護法師益其氣力勇
猛精進正念辨才令是法師於諸大
眾得無所畏廣能宣說如是經典佛
言善哉善哉憍尸迦汝欲擁護是說
法者令得勇進正念辨才憍尸迦若
欲擁護是說法人即為擁護諸佛正
法護正法者則為擁護一切眾生

爾時梵自在天王合掌長跪前白佛
言世尊若是經典流布之處我躬當
與其餘梵眾并諸眷屬捨禪喜樂往
詣彼所聽受諮請我往彼時當現四瑞
令其覺知云何為四一者令見微妙光
明二者得聞殊異之香三者令說法者
得无尋辯及正憶念所說吉祥不失章
句四者令其大衆發善欲心喜樂聽
法无有厭足以是四瑞應知梵天王
與其眷屬躬來聽法

爾時第六魔王波旬合掌白佛言世
尊如是經典令我勢力一切羸劣何
以故若有菩薩聞是經典受持讀誦
為他說者當知其入即為受記世尊
如是菩薩所往之處至諸佛界當知
如佛世尊我今所有憍憒嫉妬貢高
之心以無盡意威德力故皆已摧伏
我今當護如是經典及說法者是經
所在流布之處乃至不起一念之心
而作留難何況身往故作因緣
爾時佛告尊者阿難汝從今日當為
正法久住世故受是經典受持讀誦
解說

爾時阿難正服而起偏露右肩右膝
著地前白佛言世尊我今敬奉佛教受
持是經但恨不能廣宣流布如諸菩
薩佛告阿難汝且自安今此會中有
諸菩薩摩訶薩等自能護持令此經
典廣宣流布

爾時會中有六十億諸菩薩摩訶薩
應讚法者即從坐起合掌白佛言世尊
我等要當宣傳此經令至十方娑婆
世界弥勒大士自當於中護持是典
及說法者世尊若佛滅後後五百歲
若有菩薩聞是經典受持讀誦當知
皆是弥勒神力之所建立

爾時佛讚護法菩薩摩訶薩眾善哉
善哉諸善男子汝等不但今於我前
護持正法亦曾護持過去恒沙諸佛
正法

爾時無盡意菩薩摩訶薩自佛言世
尊我今自以少智慧分說是經典文
字句義必不具足今於佛前及無盡
法所成就諸菩薩等懺悔過失佛
告無盡意菩薩善男子若有菩薩得
四無所智凡所講說无有錯謬如是

無盡意菩薩經卷第六 第廿四 耶

菩薩得真空義分別法門乃能宣說
如是經典善男子汝今已到第一之
處成就四辯自在无碍是大乘經不
從他聞而能分別善男子汝今成就
如是佳位身口意業无有錯謬何以
故菩薩所修三業成就常以智慧為
根本故善男子已有无量百千万億
諸佛世尊皆共稱揚聽汝所說无盡
意汝本已於我所及諸佛所畢竟懺
悔無有漏失

尔時尊者阿難白佛言世尊此經何
名云何奉持佛告阿難此經名无盡
意所說不可盡義章句之門又名大
集當如是奉持阿難汝應信受如是
經典何以故汝受是已所得持念信
前千數若為他說則立佛事佛說是
已無盡意菩薩摩訶薩尊者阿難
舍利弗諸天龍神乾闥婆阿修羅等
一切大眾莫不歡喜作礼而去
無盡意菩薩經卷第六

已亥歲高麗國大藏都監奏
勅彫造